



E D
C A
C I E T
ologi,
Cath
glia
lati
fic
r

Parati
mni p
q

Cu

C
Ex C

EDMUNDI
CAMPIANI SC
FIETATIS IESV THE-
logi, qui non ita pridem pro
Catholica religione in An-
glia mortem oppetiit, ob-
lati certaminis in causa
fidei rationes decem
redditæ Academi-
cis Angliæ.

Domus Professæ Vindob.

1. Pet: 3. S. 1

Parati semper ad satisfactionem o-
mni poscenti vos rationem de ea,
quæ in vobis est, spe & fide.

Cum licentia Superiorum.

CRACOVIA,
Ex Officina Andrea Petriconij.

Anno Domini, 1605.

†

G. I. 73.

E
P

L

rico
na E
quo
ber
in h
bet
ho
qu
fe c
cel
Ro
(g
De
vir
&
ru

V I T A
EDMUNDI CAM-
PIANI, PRESBYTERI

*Societatis IESV & Mar-
tyris.*



EDMUNDVS CAM-
PIANVS Londini Ang-
liae honesto loco natus,
Anno 1539. adoleuit iis
temporibus, quibus, Hen-
rico, & mox Eduardo Regibus pristi-
na Ecclesiae facies mutata, singulare
quoddam schisma & discidium ab or-
be reliquo concepit Anglia, & tene-
in hunc diem. Mariae successit Eliza-
beta. tum ille pene illectus fama &
honoribus, qui appromittebantur, at-
que ea tali tempestate concussus, ad
se domum redijt: & Duacum Belgiae
celebrem Academiam, atque inde
Romam enauigauit. Neque diu fuit
(quod commotum semel animum,
Dei spiritus ageret) quum, dignum
virtute sua, ut caueret de praeteritis,
& certam sibi spem reponeret in fu-
turo, consilium coepit, adlegiq; peti-

in eum Ordinem, qui est Societatis Iesu. Humilitas, reuerentia, iudicium valuit apud peritissimos ingeniorum Censores. Susceptus, at probatus, & mox ab umbra in aciem strenuus Christi miles eductus est.

Infecerat iam olim, misso ex Anglia veneno, Boemiam Vvicleuus. ea mali vis nec tot annis resederat. mutatis nominibus pullulabat in capitali monstro, par Hercules, quærebatur. Scilicet ad hoc ab Anglia vulnus, Anglicanus Achilles adhibitus, putido & Chironio vlceri salutare vinum infudit. Vidit Boemiæ Praga virum Apostolico spiritu: cuius incredibili facundiæ frequens ibi nobilitas, & ipse Cæsar testimonium dedit. Nec verò aliter potuit: quod distorum sanctitatem, factorum constantia commendaret. Vnum hoc difficile iudicium; vtra in eo virtus maior: morum an scientiæ. Sed in medio cursu Romam euocatus, vt, cui debebat, se totum patriæ impenderet; statim paruit. Promptus & expeditus ad non incertæ mortis periculum; paucis diebus

5

Remos, & mox Angliam attigit, anno
xxc. die festo S. Ioannis Baptista.

Vbi cognouit omnia vir summi in-
genij, & raræ prudentiæ, Christianis &
apertis consiliis nullum vidit ibi reli-
quum locum. nec verò sibi defuit,
quin tanquam nuncius propinquæ re-
conciliationis, magnam Insulæ par-
tem percurreret cooperante, Deo
Ecclesiæ & Ministro suo ad salutem
animarum.

Sed quia latere diu vel euadere tot
oculos, manus, insidias, contra spem
erat; supererat, vt famæ cōsuleret, re-
lictis vestigiis, quæ tutò insisterent
successores. Digerit in schedam cer-
tos articulos; qui, quid venisset: audiri
petit, & certamen institui de contro-
uersis dogmatibus loco publico, præ-
sentiam spondet, sperat victoriam.
Eius exemplar apud amicum relique-
rat; qui nec consulto Campiano, spar-
sit. Acclamat populus, ringuntur ad-
uersarij, fremit Curia: emittuntur qui
vestigant, odorentur, comprehendāt.
Super his extat Epistola eruditiss. viri
ad Mercurium Generalem: quæ, vt in

magno strepitu, metu & motu scripta,
 illius prompti & tuini ingenij opes
 ostentant, & copias. Igitur quum
 circumcuncta trepidarent, & pene i-
 psis ceruicibus imminentes gladios
 cerneret, putauit vir humanissimus,
 etiam infirmorum suspicionibus oc-
 curendum: qui aliqua iudicij leuita-
 te, vel aduersariorum susurris inducti,
 illam prouocationem, superbiam in-
 terpretarentur. Ita hoc opusculum
 inscripsit Academicis Angliæ, & in eo
 Rationes decem: quæ singulis & om-
 nibus argumentis, quæ obijci possunt,
 adhibita, Catholicæ fidei veritatem
 demonstrant. Dignum professione sua
 opus, spiritu, martyrio. miseri nos, qui-
 bus ille iam nihil amplius scribit: quos
 erigere tale ingenium & excitare po-
 tens erat: ille felix; qui ad extremum,
 feruus bonus & fidelis in hac Dei do-
 mo inuentus est, cui uiuo & mortuo
 innocentia fama consistit. Ait enim
 Io. Bodinus (de cuius fide nihil hic
 dicimus, certè Catholicus non est) se
 præsentem cum Francisco Andium
 duce Londini tum fuisse; *Oratione*

habita

*habita ad Reginam & optimates ac
senatores* omnem vim procul haben-
dam censuisse; *cum de Campiano*,
inquit, *Iesuita, deq; Catholicis qua-*
stiones capitales haberentur, quod
ausus in aliena Republica Bodinus
nunquam fuisset; si non statum causa
habuisset exploratum. Bone Iesu
quanta tibi cura de tuis? quam ubiq;
consulis Ecclesiae, & selectis in ea me-
bris tuis? utique ne nos infirmi, infeli-
ces, atque his nouissimis temporibus
nimium faciles, aliquid suspicemur,
quod Campianū, talesq; & tantos vi-
ros, iam plane beatos, & tecum in cœ-
lo regnantes; lædere non possit, nos
posset offendere, & illud charitatis
vinculum, quo Catholici communi-
camus.

Igitur deprehensus in iis officiis qui-
bus immori debuit vir sanctissimus
Londini demum non vno modo mar-
tyr, quum eos omnes, qui conferre
post eculeos & tormenta de Religio-
ne non erubuerant, luculenter con-
uicisset, publico iudicio damnatus.

Catholicæ fidei reus, anno xxci. mensis Decembris die prima castum & innocentem spiritum Domino creatori reddidit. Apparuit mox Dei gratia, & ab illius sanguine, tanquam fundamento bonæ fidei, maior spes Catholicis, maior animus, & nouus quotidie in hoc Theatro miles, hoc tali perpetuo sacrificio Domini opem implorat, & sine dubio inueniet.

EPISTOLA

EDMVNDI CAMPIANI

Sacerdotis Societatis IESV, ad Regine Angliæ Consiliarios, qua professionis suæ in Angliam institutum declarat, & aduersarios ad certamen prouocat, ex Anglico sermone latinè reddita.



Vandoquidem, viri ornatissimi, è Germania & Bohemia reuocatus, non sine ingenti vitæ meæ periculo, in hoc florentissimum Angliæ regnum, dulcissimam patriam meam, tandem aliquando perueni, pro superiorum meorum voluntate, Dei gloriam & animarum salutem promoturus; verisimile esse putaui, me turbulento hoc, suspicioso, ac difficillimo tempore, siue citius, siue aliquantò tardius, in medio cursu abreptum iri. Quapropter ignarus, quid de me futurum sit, cum Dei permissu in carceres & vincula fortè detrudendus sim; ad omnem euentum

scriptum

scriptum hoc condidi: quod ut legere
& ex eo causam meam cognoscere ve-
litis, etiam atque etiam rogo; fiet e-
nim, ut hac re non paruo labore libe-
remini, dum quod multis ambagibus
inquirere vos audio, id totum aperta
confessione liberè expromo. Atque
ut rem omnem, quò melius & intelli-
gi, & memoria comprehendi queat,
compendio tradam, in nouem omni-
nò capita eam dispertiar.

1. Profiteor me, quamuis indignum,
Ecclesiæ Catholicæ sacerdotem, &
iam octo abhinc annis magna Dei mi-
sericordia in Societate nominis Iesu
coaptatum, peculiare quoddam bel-
ligenus sub obedientiæ vexillo susce-
pisse; ac simul me omni diuitiarum,
honorum, & aliorum huiusmodi bo-
norum spe, & habendi potestate ab-
dicasse.

2. Generalis Træpositi nostri decre-
to (quod ego tanquam mandatum
cœlitus missum, & à Christo ipso san-
ctum veneror) Praga Romanæ, ubi
Generalis nostri perpetua sedes est;
Roma deinde in Angliam contendì,

qua

qua animi alacritate etiam in quamcunque aliam orbis terrarum partem siue ad Christianos, siue ad infideles profectus fuisset, si me ad eam profectiōem superiores mei designassent.

3. Negotium mihi commissum, tale est, vt gratis Euangelium prædicem, Sacramenta administrem, rudes in fide instituam, flagitiosos à scelere ad meliorem vitæ rationem traducam, errores conuellam, & vt summam omnia complectar, pugnx spiritualis signum tuba canam, atque alacriter aduersus fœda flagitia & superbam ignorationem, qua innumeri ciues mei, quos intimi animi visceribus cōplector, oppressi iacent, depugnem.

4. Nunquàm mihi animus fuit, imò & à Patribus, qui me miserunt, seuerè prohibitum mihi est, vt ne Reipu. ac Politicæ huius regni administrationis negotiis me immisceam: nam & aliena hæc sunt à vocationis meæ instituto, & ab iis animum cogitationesque meas libenter auoco.

5. Quamobrem vestra clemētia fretus, ad gloriam D E I tria non minùs

æqua

æqua, quàm ab omni pacis & tranquillitatis Reipub. perturbatione aliena, concedi & permitti mihi humillimè postulò: Primum est, vt Dominationes vestræ, me pro sua & Reipubl. dignitate, de religione modestè differetem, audire non grauentur. Alterum, quod & cum primis desidero, & maximi momenti esse arbitror; vt mihi liceat in confessu Doctorum, Magistrorum, & vtriusque Academiæ virorum insignium, Sacrosanctæ Theologiæ Professorum, verba facere. Promitto me Catholicæ Ecclesiæ fidem inuidis rationibus, & sacrarum Scripturarum, Conciliorum, Patrum, atque historiarum auctoritate, ac denique ex ipsa tum naturali, tum morali philosophia efficaciter demonstraturum, & defensurum. Tertium, vt audiar ab vtriusque iuris siue canonici, siue civilis peritis, quibus eandem fidei veritatem, legum, quæ etiamnum vigent, & dignitatem suam retinent, testimonio atque auctoritate comprobabo.

6. Nollem equidem quicquam proferre, quod insolentem prouocationē

aut

aut arrogantiam aliquam præ se ferret; cum & mundo mortuus iam sim, & ex animo paratus promptusque, ut me ad cuiusvis pedes abijciam ac vestigia etiam exolculer. Tantus tamen animus mihi est pro gloria & maiestate regis mei I E S V amplificanda, tanta in eius favore fiducia, tanta denique in causæ æquitate & firmissimorum argumentorum ac probationum robore confidentia (cum certò sciam nullum Protestantium, nec omnes simul iunctos, nec ullam aduersariorum factionem, quantumvis imperitam multitudinem & Grāmaticos quosdā adolescentulos, apud quos insigniter debacchantur, in errorem inducant; posse dogmata sua disputatione aut tueri aut probare) ut cum illis omnibus, vel cum eorū quolibet, vel cum antesignanis ex omni illorum numero delectis, vtrò me offeram congressurum; bona fide protestans cò mihi gratius fore certamen, quò melius instructi accesserint.

7. Et quoniam Dominus Deus Dominam meam reginam, eximiis natu-

ra, eruditionis, ac regia educationis
dotibus exornare voluit, si sua Maie-
stas huiusmodi auditionem, qualem
in quinto articulo secundo loco effla-
gitavi, sua regali presentia & benigna
attentione cohonestare dignaretur;
sperarem sanè, me articulos contro-
versos optima methodo & perspicuis
argumentis ita illustrare, atque ab om-
nibus fallaciarum inuolucris, qui-
bus constricti sunt, explicare posse, ut
zelo veritatis & amore, quo sua Maie-
stas populum complectitur, non me-
diocriter eius animum inclinarem, cum
ad plurimas res, quæ regno suo
non parum detrimenti adferunt, da-
mnandas & reiiciendas, tum ad nos
Catholicos miserè iamdiu oppressos,
maiore æquitate prosequendos.

8. Neq; vero dubium mihi est, quin
vos Ornatissimi Consiliarii S. M. cum
in maximi momēti negotiis præclare
ac sapienter agere soleatis, ubi has de
fide controuersias, quas aduersarij no-
stri non sine furo & confusè plerunq;
pertractant, bona fide detestas & furo
nudatas perspexeritis, luce meridiana

clarius

clariùs cognituri sitis, quàm firmis & solidis fundamentis fides Catholica nitatur. Et quia è contrario Protestantium argumenta sunt omninò friuola & infirma, quæ temporis iniquitate vim aliquam contra nos habere putatur, futurum spero, vt vestrarum animarum & innumerabilium aliarum, quæ à vestro nutu & exemplo pendet, miserti, ab huiusmodi falsorum dogmarum architectis & doctores facies vestras animumque ipsum auertatis, ac nobis, qui vitam nostram pro vestra salute alacriter profundere parati sumus, æquiori & magis propitia mente ausculetis. Multæ innocentes manus quotidie & sine intermissione pro vobis in cælum attolluntur. Hæc in vos studia sunt eorum Anglorum, qui in prouinciis transmarinis, nunquam interitura posteritatis partes, virtuti & eruditioni acquirenda dant operam, omninoque secum statuerunt, à salute vestra promouenda non prius abstinere, quàm vel animas vestras Christo lucriferint, vel lanceis vestris confixi generosè occubuerint. Et

quidem quod ad Societatem nostram
attinet, velim sciatis, omnes nos, qui
sumus de Societate I E S V per totum
terrarum orbem longè lateque diffusi
(quorum continua successio & multi-
tudo omnes machinationes vestras
Anglicas facilè superabit) sanctum
foedus iniisse, ut cruces, quas nobis in-
ijciatis, magno animo feramus, neque
vnquam de vestra salute desperemus,
quamdiu vel vnus quispiam è nobis
supererit, qui Tiburno (*Est hic locus
supplicij.*) vestro fruatur, atque sup-
pliciis vestris excarnificari, carceribus-
que squalere, & consumi possit. Iam-
pridem inita ratio est; diuiniq; nu-
minis auspicio inchoatum certamen
nulla vis, nullus impetus aduersariorum
superabit. Hac ratione confita & tra-
dita olim fides est; eadè in pristinam
dignitatem renocari & restitui debet.

9. Quod si hoc scriptum meum quod
offero, reijciatur, nec beneuoli cona-
tus mei quidquam possint efficere, &
pro itinere multorum millium milia-
rum vestri causa suscepto, ingratum a-
nimum experiar; id vnum agendum

mihi

mihi supererit, vt vos causamq; meam
omnipotenti Deo scrutatori cordium
commendem: quem quidem ex ani-
mo precor, vt nobis tantisper gratiam
suam impertiri velit, qua ante extre-
mum remunerationis diem in vnam
sententiam conspiremus: & vt sic tan-
dem aliquando in coelo, vbi nulla erit
iniuriarum memoria, sempiter-
na amicitia perfruamur.

EPISTOLA EDMUNDI CAMPIANI

*ad R. P. Euerardum Mercurianum
Præpositum Generalem Societatis
Iesuitarum, postquam in Angliâ men-
ses aliquot egisset, statum Ecclesiæ
Anglicanæ, suorumq; laborum fru-
ctum exponit, ab ipso Auctore
latine scripta.*



Ostquàm, diuina fretus
misericordia, quintum-
iam mensem in his locis
dego, R. P. putauî facien-
dum, vt qui status rerum
sit, quique videatur futurus, literis ex-
ponerem. Aues enim scire, sat scio,
cùm pro communi sollicitudine, tum
pro tuo in me amore, quid agam, quid
sperem, quidve proficiam. Priora scri-
pseram Audomaropoli, quæ deinceps
consecuta sunt, paucis accipe.

Dei consilio factum interpretor, vt
cùm dies ipsos quatuor, ventos secun-
dos expectassem, quinto demùm, qui
festus Ioâni Baptistæ fuit, diuo tutelari

meo,

meo, cui causam iterque sæpe commendaueram, vesperi nauigare. Postridiè, summo mane, Doroberniū appulimus, homulus meus & ego. Ibi minimum abfuit quin caperemur. Coram Prætorè ciuitatis, iussi comparuimus. Ille multa coniecit, nos esse qui eramus: hostes hæreticarum partium, amantes auitæ fidei, dissimulasse nomina, religionis causâ domo abfuisse, eius propaganda studio rediisse. Vnum vrgebat, Alanū esse me, quod quidem ego, iureiurâdo, si opus esset interposito, me negaturū profitebar.

Tandem decernit, idque crebrò repetit, cum certa custodia, ad regni procures transmitti oportere. Neque scio, quis illi nouam mentem iniecerit, præter Deum, cui tacitus intereâ supplicabam, D. Ioanne adhibito præcatore, cuius auspiciis eò peruenerâ. Repentè prodit senex, cui Deus benefaxit: Placet, inquit, vos dimitti. Valere. Anolauimus. Hæc & his similia, quæ hic experior, cum apud me reputo, confirmor in sententia comprehensum iri, cum ea res ad maiorem

Dei gloriam spectabit, non prius.

Londinum attigi. Duxit me bonus Angelus nescientem, in eandem domum, quæ P. antea Robertum exceperat. Accurrunt nobilissimi iuvenes, salutant, vestiunt, ornant, armant, emittunt ex vrbe. Partem aliquam regionis obequito penè quotidie. Ingens omnino mæsis est. Sedens in equo meditor conciunculam, quam ingressus in domum perpolio. Deinde si qui me adeunt, colloquor, aut confitentes audio. Mane peracto sacro, verba facio. Aures afferunt sitientes, Sacramenta percipiunt frequētissimi.

In ijs administrandis passim iuamur à sacerdotibus, quos vbique reperimus. Ita fit vt & populo satis fiat, & hæc prouincia minus laboriosa nobis reddatur. Presbyteri nostrates ipsi doctrina & sanctimonia præstantes, tantam opinionem nostri ordinis excitârunt, vt venerationem, quam nobis exhibent Catholici, non nisi timide commemorandam, existimemus. Quò magis videndum est, vt subsidarij, quibus nunc maximè indigemus,

ciusmo-

eiusmodi sint, qui hæc omnia probè
sustinent. Ante omnia concionibus
habendis exerceantur. Diù euadere
manus hæreticorum non possumus:
tot oculi, tot ora, tot hostium insidiæ.

Habitu dementissimo sum, quem
sæpè commuto, itemq; nomina. Lego
ipse literas, in quarum prima pagella
scribitur: Campianus captus est. Hoc
iam ita decantatum circumsonat au-
res meas quocunque venio, vt mihi ti-
mor ipse timorem excusserit. Anima
mea in manibus meis semper. Hoc af-
ferant meditatum, qui supplementi
gratia mittentur.

Verùm, quæ solatia in hoc negotio
miscentur, ea non solùm formidinem
pœnæ, sed etiam pœnas quaslibet, in-
finita dulcedine compensant. Con-
sciëntia pura, robur inuictum, ardor in-
credibilis, opera insignis, numerus in-
numerabilis, summi, medij, infimi, o-
nni ætate & sexu. Hic inter ipsos hære-
ticos, si qui sunt paulò æquiores, pro-
uerbium inoleuit. Catholicos esse, qui
argentum resoluant quod debent: a-
deoq; si qui Catholici iniuriosius

quem-

quempiam tractant, expostulatur eo nomine, quòd à talibus minimè isthoc fieri conueniat.

In summa, hæresis pessimè audit apud omnes, nec vllum genus hominũ vulgò vilius, aut putidius est ipsorum ministris. Meritò indignamur, in tam perdita causa, homines tam indoctos, tam sceleratos, tam disseñtos, tam abiectos, cultissimis ingeniis dominari.

Circumferuntur in nos edicta minacissima. Cautione, & bonorum precibus, & quod caput est, diuino munere incolumes bonam Insulę partem peruasimus. Plerosque video, oblitos fui, de nobis esse sollicitos. Quidam ijs diebus acciderat, quod non speraram, Dei voluntate.

Posueram in scripto, articulatè causas & postulata quædam æquissima. Fasius me Presbyterum societatis, hoc animo venisse vt amplificarem fidem Catholicam, docerem Euangelium, administrarem Sacramenta, petebam à Regina & regni principibus audientiam, & aduersarios ad certamen prouocabam. Decreueram penes me v-

num

rum exemplar tenere, ut mecum ad iudices raperetur: alterum amico commiseram, ut si me in eumque prenderent, illud continud spargeretur.

Amicus non celauit, edidit, teritur, aduersarij insaniunt. Pro suggestu respondent, se quidem cupere, Regina nolle, rebus iam constitutis, amplius disputare. Nos lacerant maledictis seditiosos, hypocritas, etiam hereticos appellant; quod maximè ridetur. Populus ea re noster est. Mirifice nobis hoc erratum profuit. Si iubemur fide publica, dabimus nos in curiam. Sed nihil minus cogitant.

Omnes custodię nostrę refertę sunt Catholicis, nouę parantur. Nunc demum aperte pronuntiant, satius esse paucos internecioni dedere proditores, quàm tot animas proderę. De suis martyribus iam tacent. Superamus enim causa, numero, dignitate, opinione omnium.

Afferimus pro aliquot apostatis aut futoribus exultis, Episcopos, Regulos, Equites, antiquissimam nobilitatem, spectacula doctrinę, probitatis, prudentię,

dentia, leſtiſſimam iuuentutem, matronas illuſtres, reliquos fortunæ mediocriſ planè extra numerum, omnes aut ſemel, aut quotidie conſumptos. Dum hæc ſcribo, immaniſſima ſauit perſecutio. Mœſta domus: Nam aut mortem ſuorum prædicant, aut latebras, aut vincula, aut rapinam bonorum: tamen pergunt animoſè.

Etiam nunc plurimi reſtituuntur Eccleſiæ, nouitij milites dant nomina: veterani ſanguinem profundunt. Hoc ſacro cruore, iſſque hoſtiis promerebitur DEVS, & ſine dubio breui vincemus. Vides ergo R. P. quantopere veſtris ſacrificiis, & precibus & cœleſti auxilio egeamus.

Erunt in Anglia, qui curent ſalutem ſuam, erunt qui prouehant alienam: irascatur homo, ſæuiat dæmon. Tamdiu hæc Eccleſia conſiſter, dum paſtores ouibus non deerunt. Impedior præſentiſſimi rumore periculi, ne plura hoc tempore. Exurgat DEVS, & diſſipetur inimici eius. Vale.

Edmundus Campianus.

EDMVN-

E D M V N D V S

CAMPIANVS DOCTIS-

simis Academicis, Oxonijs florenti-
buss & Cantabria S. P. D.

NNO præterito, cum ex
 instituto vitæ meæ, iussus
 in hanc Insulam remeâs-
 sem, clarissimi viri, inue-
 ni sanè fluctus haud pau-
 lo seueriores in Anglicano littore,
 quàm quos in Oceano Britannico re-
 cens à tergo reliqueram. Mox inte-
 riorem in Angliam vbi penetrâssem,
 nihil vidi familiarius, quàm inusitata
 supplicia: nihil certius, quàm incer-
 ta pericula. Collegi me vt potui: me-
 mor causæ, memor temporum. Ac
 ne priùs fortè corripere, quàm audi-
 tus à quopiam fuisset, scripto protin-
 nùs mandavi consilium meum: qui
 venissem, quid quærerem, quod bel-
 lum, & quibus, indicere cogitarem.
 Autographum apud me habui, vt
 mecum, si caperer, caperetur: exem-
 plum eius apud amicū deposui, quod

me quidem nesciente, pluribus communicatum est. Aduersarij publicatam schedulam atrociter acceperunt; cum cetera, tum illud inuidiosissime criminantes, quod vnus omnibus in hoc religionis negotio certamen obtulissem: quanquam solus in acie non eram futurus, si fide publica disputassē. Responderunt postulatis meis, *Chammerus & Charcus*. Quid tandem? Otiosè omnia. Nullum enim responsum præter vnum honestè dabunt, quod nunquam dabunt: *Conditiones amplectimur, Regina* spondet, *aduola*. Interea clamant isti, Sodalitium tuum, seditiones tuas, arrogantiam tuam, proditorem, sine dubio, proditorem. Ridicule. Operam & oleum & famā homines non insipientissimi cur profundunt? Verum his duobus (quorum prior animi causa, meam chartam delegit, in quam incurreret: alter malitiosius totam rem conuoluit) præbitus nuper est libellus admodum luculentus, qui quantum oportuit, tantum & de So-

cietate

cietate nostra, & de horum iniuriis, & de Prouincia quam sustinemus, edisserit. Mihi supererat, (quoniam, vt video equuleos nō scholas parant Antistites) rationem facti mei vobis vt probarem; capita rerum, quæ mihi tantum fidentie perpererunt, quasi digito fontes ostenderem: Vos etiam horrar, quorum interest, præter cæteros, incumbatis in hanc curam, quam à vobis Christus, Ecclesia, Respub. & vestra salus exigunt. Ego si fretus ingenio, litteris, arte, lectione, memoria, peritissimum quenquam aduersarium prouocaui, fui vanissimus & superbissimus, qui neque me, neque illos inspexerim: sin causam intuitus existimaui satis me valentem esse, qui docerem hunc solem meridie lucere, deberis mihi feruorem istum concedere; quem honor I E S V CHRISTI REGIS mei, & inuicta veritas imperarunt. Scitis, M. Tullium in Quintiana, cum ei Roscius victoriam adpromitteret, si efficeret argumētis, septingenta millia passuum non esse decursa biduo, non modò nihil veritum ar-

ticulos & neruos Hortensij: sed ne grandiores quidem Hortensio Philippos, & Cottas, & Antonios, & Crassos; quibus maximam dicendi gloriam tribuebat, metuere potuisse. Est enim quaedam veritas tam illustris & perspicua, vt eam nullæ verborum rerumue prastigiae possint obruere. Porro liquidius est quod nos agimus, quàm illa fuit hypothesis Rosciana. Nam si hoc prastitero: cœlos esse, diuos esse, fidem esse, CHRISTVM esse, causam obtinui. Hic ego non sim animosus? Equidem occidi possum, superari non possum. Ijs enim Doctoribus infisto, quos ille Spiritus erudit, qui nec fallitur, nec vincitur. Quis à vobis, vt salui esse velitis. A quibus hoc impetrato, reliqua minimè dubitater expecto. Date modò vos huic sollicitudini: Christum obtestamini, industriam adiungite; profectò sentietis id, quod res est, & aduersarios desperare, & nos tam solidè fundatos, quieto magnoque animo hanc arenam expetere oportere. Breuior hic sum, quod reliquo sermone vos alloquor. Valete.

RATIONES DECEM,
QVIBVS FRETVS
 certamen aduersariis obtulit
 in causa fidei idem Edmun-
 dus Cápianus, allegatæ ad cla-
 rissimos viros Anglos Aca-
 demicos, ab ipso auctore
 latinè editæ.

*Ego dabo vobis os & sapientiam, cui
 non poterunt resistere & contradice-
 re omnes aduersarij vestri. Luc. 21.
 b. 15.*

RATIONVM CAPITA.

1. Sacræ Literæ.
2. Sacrarum Literarum sententia.
3. Natura Ecclesiæ.
4. Concilia.
5. Patres.
6. Firmamenta Patrum.
7. Historia.
8. Paradoxa.
9. Sophismata.
10. Omne genus testium.

CAPVT I.

PRIMA RATIO,
SACRÆ LITERÆ.

Qui post sublata omnia Antiquitatis testimonia, ad solos scriptos verbi diuini codices prouocabant Ministri; dum ne sic quidem tueri se potuere, nisi & eos ipsos variè mutilarent; satis eo ipso ostendunt alienam se à Deo causam agere.



Cum multa sunt, quæ aduersariorum diffidentia in causa loquantur: tum nihil eque, atque sanctorum Maiestas Bibliorum sædisimè Violata. Etenim qui, posteaquàm reliquorum restium Voces & suffragia contempserunt, eo sunt redacti nihilosecius, Et stare nequeant, nisi diuinis ipsis codicibus & imò & manus intulerint: ij se profectò declarant extrema fortuna confligere, & rebus iam desperatis ac perditis, ex-

periri

periri durissima Velle atque Ultima.

(a) Manichæis quid causa fuit, Et Evangelium Matthæi & Acta resigerent Apostolica? Desperatio. His enim

Soluminibus cruciabantur, Et qui Christum negauerat (b) prognatum de Virgine, Et qui (c) Spiritum

Christianis tum primo cælitus illapsus finxerant, quum ipsorum Paracletus, Persa nequissimus, erupisset. (d) Quid Ebionis, ut omnes Pauli repudiaret epistolas? Desperatio.

His enim suam dignitatem retinentibus, antiquata circūcisio est, quam isti renocauerant. Quid (e) Luthero Et Epistolam Iacobi contentiosam,

tumidam, aridam, stramineam, flagitiosus Apostata nominaret, Et indignam Spiritu censeret Apostolico? Desperatio. Hoc enim Scripto confossus miser atque diruptus est, cum in sola fide iustitiam constitueret.

Quid Lutheri catulis, (f) Et Tobia, Ecclesiasticum, Machabæos. Et horum odio complures alios, eadem calum-

nia comprehensos, è sincero canone
 repente dispunderent? Desperatio.
 (g) His enim (g) oraculis disertissimè co
 arguuntur, quoties de Angelorum
 patrocínio, quoties de arbitrij liber-
 tate, quoties de fidelibus Vita defun-
 ctis, quoties de Diuorum hominum
 intercessione disputant. Itane Verò?
 Tantum peruersitatis, tantum auda-
 cia? cum Ecclesiam, Concilia, Ca-
 thedras, Patres, Martyres, Imperia,
 Populos, Leges, Academias, Histo-
 rias, omnia Vetusitatis & sanctitatis
 Vestigia conculcassent, scripto Dei
 Verbo tantum controuersias Velle di-
 rimere proclamassent, illud ipsum
 Verbum, quod solum restiterat, ex se-
 ctis è toto corpore tam multis, tam
 bonis, tam speciosis partibus, delum-
 basset? (h) Septè enim ipsos de Veteri
 Testamento codices, ut minuta dissi-
 mulem, Calviniani praecliderat: (i)
 Lutherani Verò etià Epistolà Iacobi,
 & huius inuidia quinque alias, de
 quibus

quibus aliquando fuerat & alicubi
controuersum. His quoque libellum
Hesteris, & tria penè capita Danielis
annumerant nouissimi Geneuenses:
qua quidem Anabaptista, istorum
condiscipuli iam pridem damnaue-
rant atque deriserant. Quanto mo-
destius (k) Augustinus, qui sacrosan-
ctum catalogum pertexens, non sibi
neque Alphabetum Hebraicum, &
Iudæi, neque priuatum Spiritum &
Sectarij, pro regula posuit: sed illum
Spiritum, quo totum corpus Eccle-
siae Christus animat: quæ quidem
Ecclesia custos huius depositi, non
magistra, quod Hæretici cauellantur,
thesaurum hunc &niuersum, quem
Tridentina Synodus est amplexa, &
rustissimis olim Conciliis publicitus
vindicauit. Idem Augustinus (de
prædestinatione sanct. cap. 24.) de
vna Scripturarū particula speciatim
differens, inducere in animum non
potest, librum Sapientia, qui iam

(k) ²

tum Ecclesia calculo, temporum serie, priscorum testimonio, instinctione fidelium, ut firmus & Canonicus robur obtinuerat, cuiusquam temeritate, vel susurro extrudi extra Canonem oportere. Quid ille nunc diceret si viveret in terris, & Lutheros Calvinosq; concerneret opifices Bibliorum, qui sua lima politula & elegatula Vetus novumq; Testamentum raserint; neque Sapientiam tantum, sed & alia permulta de Canonico-
rum librorum ordine segregauerint: Ut quidquid ex horum officina non prodierit, illud ab omnibus phrenetico decreto, tanquam incultum & horridum conspuatur? Ad hoc tam dirum & execrabile perfugium qui descenderint, ij certe licet in ore suorum affectuum solitent, Sacerdotia nundinentur, declamitent in concione ferrum in Catholicos, equuleum crucemq; consciscant; tamen Vi-
cti, abiecti, squalidi, prostrati sunt:

quan-

quandoquidem arrepta Virgula cen-
soria, Veluti arbitri sedentes honora-
rū, diuinas ipsas tabulas, si que ad
stomachum non fecissent, obliterant.
Ecquis est, Vel medicriter institut-
us, qui talium cuniculos hostium
reformidet? qui hostes quamprimū
in corona Vestra, eruditorum homi-
num, ad eiusmodi Veneratorias ar-
tes, tanquam ad familiarem demo-
nem currerent, non aurium conui-
tio, sed strepitu pedum exciperentur.
Quarerem ab illis Verbi gratia, quo
iere corpus Biblicum detruncēt at-
que diripiant? Respondent: non se
Veras Scripturas excindere, sed ex-
cernere supposititias. quo iudice?
Spiritu sancto. Hoc enim responsum
à (1) Caluino præscribitur, Si Ecclesiæ
iudicium, quo Spiritus examinan-
tur, subterfugiat. Cur igitur alios a-
liū Lancinatis, cum omnes eodē Spi-
ritu gloriemini? Calvinianorū spi-
ritus; recipit sex epistolas, quæ Spi-

(1)

- ritui non placent Lutherano, freti
 tamen uterque sancto Spiritu. (m)
 Anabaptista historiā Iobi fabulam
 appellant, Tragicis & Comicis legi-
 bus intermixtam. Qui sciunt? Spi-
 ritu docente. (n) Castilio, mysticum
 illud Salomonis Canticum, quod, Et
 Paradisum anima, Et manna recon-
 ditum, Et opiparas in Christo delici-
 as Catholici admirantur, nihilo plu-
 ris, quàm cantilenam de amicula,
 & cum pedissequis aula colloquium
 amatorium, Venereus furcifer, asti-
 mauit. Vnde hausit? à Spiritu. In
 Apoc. Ioan. cuius omnes apices ex-
 celsum aliquid & magnificum sona-
 re confirmat (o) Hieronymus, tamen
 (p) Lutherus, & Brētius, & Kemni-
 tius, quiddam, nescio quid, difficiles
 Aristarchi desiderant: eo scilicet pro-
 penderentes, Et exauēderetur. quē per-
 cōtati? Spiritum. (q) Quatuor Euā-
 gelia feruore præpostero Lutherus in-
 ter se committit, & prioribus tribus

Episto-

Epistolas Pauli longè præferēs vnicū
deinceps Euangeliū Ioannis pulchrū,
verum, præcipuum decernit esse no-
minandum; quippe qui, quod in ipso
fuit, libenter etiam Apostolos suarū
rixarum socios adscripsisset. quo do-
ctore? Spiritu. Quin etiam iste (x) (L)
fraterculus non dubitavit Euange-
lium Luca petulanti stylo perstringe-
re, quod in eo crebrius bona nobis
virtutum opera cōmendentur. quem
interrogavit? Spiritum. Theodorus
Beza Verbum illud arcanum ex Lu-
ca vigesimo secundo capite, Hic est
calix, novum testamentum in san-
guine meo, qui (calix) pro vobis fun-
detur: ausus est Et corruptum Gitsa-
tumque traducere, quod hæc oratio
nullam expositionem, nisi de Vino Ca-
licis conuerso in Verum Christi san-
guinē patiatur. quis indicavit? Spi-
ritus. Denique cum omnia credant
suo quisque spiritui, nomen sancti
Spiritus horribili blasphemia men-

(I) tiuntur. Qui sic agunt, nonne se pro-
dunt? nonne facile refutantur? nonne
(in confesso talium Virorum, quales
estis Academici, tenentur, ac mini-
mo negotio constringuntur? cum his
(ego timeam pro fide Catholica dispu-
tare, qui pessima fide Voces non hu-
manas, sed athereas, tractare?
Nihil hic dico, quae vertendo peruer-
terint, quamvis intolerabilia sint
quae accusem. Gregorio Martino sci-
entissimo linguarum collega meo, qui
doctius & plenius hoc prestabit, ni-
hil praeipio, nec aliis, quibus id labo-
ris esse iam praemanibus intellexi.
(Facinorosius crimen est ac tetrius,
(quod nunc persequor: Inuentos esse
(Doctoreculos, qui temulento quodam
(impetu in caeleste chirographum in-
uolauerint: id ipsum pluribus locis, Et
maculatum, Et mancum, Et falsum,
Et surreptitium condemnauerint: eius
partes aliquas correxerint, aliquas
corroserint, aliquas euulserint:

Huic

Huic omne propugnaculum quo muni-
 nebatur, in Lutheranos spiritus,
 tanquam in Valla phantasmatum,
 pictosq; parietes commutarint: ne
 prorsus obmutescerent, quum in
 Scripturas erroribus suis infestas im-
 pingerent, quas nihilo commodius
 expedire, quam sorbere fanillas, aut
 saxa mandere potuissent.

Hac ergo mihi prima ratio Sehe-
 mens & iusta fuit, qua Vbi partes
 aduersarias Umbraticas & fractas
 ostendisset, animum sanè addidit
 viro, & Christiano, & in his studiis
 exercitato, pro sempiterni Regis di-
 plomate aduersus reliquias profliga-
 torum hostium decertandi.

(a) August. lib. 28. contra Faust. ca.
 2. & de vtilit. c. re cap. 3. (b) Matt. 1.
 (c) Act. 2. (d) Iren. lib. 10. cap. 26. (e)
 Lut. in nouo test. germanico. Præfa.
 in ep. Iac. Vide etiam lib. de Ca. Bab.
 cap. de extr. vnct. & cent. 2. Magd.
 pag. 58. Iac. 2. (f) Bibl. Geneu. (g) Tob.
 12. Eccl. 15. 2. Mach. 12. 2. Mach. 15. (h) Ij

sunt, Baruch, Tobias, Iudith, Sapientia, Ecclesiast. duo Machab. (i) Ex nouo Test. epi. Iac. Epist. ad Hebr. Epi. Iud. Epi. 2. Pet. Epi. 2. & 3. Ioan. Ita censent Bibl. Geneuen. Lut. in præfat. citata, Mag. cent. 1. lib. 2. cap. 4. Kem. in exam. cong. Trid. Sess. 4. (k) Augu. de doctr. Christ. libr. 2. cap. 8. Vide Mel. Can. lib. 2. de 10. Theol. c. 9. 10. 11. Con. Trid. Sess. 4. (l) Instit. 1. lib. 1. cap. 7. num. 4. & 5. (m) Xistus Sen. lib. 8. hæc. 10. (n) Præf. in Cant. Vide Bezam in sua præfat. ante comment. Cal. in Iosue. (o) Epi. ad Paulinum. (p) Præfat. in Apo. Kemn. in exami. (q) Præfat. in nouum Testamentum. (r) Ser. de Phariseis & Publicanis. (f) Beza in c. Luc. 22. *ποτὴριον ἐνχυρόμενον.*

CAPVT II.
 SECVNDA RATIO,
 Sacrarum literarum
 Sententia.

Dum, si textu sacre scripturæ premanetur, ad collationes scripturarum

prono.

prouocant Ministri; si ea ipsis eripatur, relicta omni Ecclesie antiquitate, ad proprium denique quisque spiritum iudiciumque suum se refert in omni sua scripturarum interpretatione: eo ipso quidem demonstrant, nil se solidum in diuinis retinuisse.

Alterum est, quod me quidem ad congressum incitarit, & horum apud me copiolas eleuarit, aduersarij perpetuum in Scripturis exponendis ingenium, plenum fraudis, inane prudentie. Statim hac Philosophi tangeretis. Itaque vos auditores expetij.

Sciscitemur ab aduersariis, exempli gratia, quidnam secuti nouam Sectam intrinuerint, qua Christus excluditur e cœna mystica. Si nominant Euangelium, accurrimus. A nobis Verba sunt. (a) Hoc est corpus meum. Hic est sanguis meus. Qui sermo visus est ipsi (b) Luthe- ro tam potens, & cum etiam discu-

peret fieri Zuinglianus, quòd eare plurimum incommodare Pontifici potuisset: captus tamen & victus apertissimo contextu cederet: neque minus inuitus Christum verè presentem in Sacramento sanctissimo faceretur, quàm olim (c) Dæmones victi miraculis, Christum Dei filium Vociferati sunt. Agedum, pagella scripta superiores sumus, de sententia scripti contenditur. Hanc peruefigemus ex verbis adiacentibus.

(d) Corpus meum quod pro vobis datur. Sanguis meus, qui pro multis effundetur. Adhuc durissima partes Caluini sunt, nostra faciles & explicata. Quid amplius? Conferite Scripturas, inquirunt. Maximè Conspirant (e) Evangelia, Paulus ad stipulatur. Voces, clausula, tota connectio, panem, vinum; in signe miraculum, cæleste pabulum, carnem, corpus, sanguinem, reuerenter ingeminant. Nihil enigmaticum, nihil

offusum

offusum caligine loquendi. Tamen
 perstant aduersarij, neque & illum fi-
 nem faciunt altercandi, quid agi-
 mus? Opinor, audiat antiquitas,
 & quod nos alteris alteri suspecti
 non possumus, illud, omnium secu-
 lorum & generanda canities, Christo
 propior, ab hac lite remotior decidat
 arbitrio. Non ferunt: prodi se aiunt:
 Dei Verbum purum putum incla-
 mant, hominum cōmentarios auer-
 santur. Insidiosè, ineptè. Dei Ver-
 bum perurgemus: obscurant. Di-
 nos testamur, interpretes: obsistunt.
 In summa, sic institunt, nisi reorū
 iudicio steteris, nullum iudicium fo-
 re. Atque ita se gerunt in omni quā
 exercemus controuersia: De infusa
 gratia, de inherente iustitia, de Ec-
 lesia conspicua, de necessitate Ba-
 ptismatis, de Sacramentis & Sacri-
 ficio, de piorum meritis, de spe & ti-
 more, de peccatis imparibus, de au-
 thoritate Petri, de clauibus, de votis,

de Consiliis Euangelicis, de ceteris. Scripturas neque paucas & ponderosas Catholici passim in libris, in colloquiis, in templis, in schola citauimus atque discussimus, eluserunt. Veterum scholia Græcorum & Latinorum admouimus: abnuerunt. Quid tum denique? D. Martinus Lutherus, aut verò Philippus, aut certè Zuinglius, aut sine dubio Calvinus & Beza fideliter enarrarunt. Egone quenquam Vestrum existimè tam esse mucosis naribus, qui hoc artificium monitus non persentiscat? Quare fateor me Scholas Academicas cupidè requirere: Et inspectantibus vobis, calamistratos istos milites in solem & puluerem è suis umbraculis euocatos, non meis viribus, qui cum nostris, centesima parte, non sum conferendus: sed Valentissima causa, & certissima Veritate debilem.

(a) Matt. 26. (b) Luth. in epist. ad

Argen.

Argē. (c) Mat. 8. Mar. 1. (d) Luc. 22.
 Matt. 26. (e) Ioan. 6. Mat. 16. Mar. 14.
 Luc. 22. (f) 1. Cor. 10. & 11.

CAPVT III. TERTIA RATIO, Natura Ecclesiæ.

Dum Ecclesiam, tot nominibus in scripturis commendatam vt ei adhæreamus, ad solos Dei electos, hominibus quidem inuisibiles, soli autem Deo tandem notos, restringunt Ministri; eo ipso se satis produnt, ad veram Ecclesiam minimè pertinere.

Avdito iam Ecclesiæ nomine, hostis expalluit. Sed tamen excogitauit quiddam, quod à vobis animaduerti volo, vt falsi ruinam & inopiam cognoscatis. Senserat in Scripturis tum Prophetis tum (a) Apostolicis, vbi que honorificam Ecclesiæ fieri mentionem: Vocari Ciuitatem sanctam, fructiferam Vineam, Montem excelsum, directam Viam, Columbam vnicam, Regnum cœli, Sponsam & Corpus Christi, fir-

mamentum veri, multitudinem illam
 cui Spiritus promissus instillet om-
 nia salutaria: illam, in quam uni-
 uersam nulla sint unquam fauces
 Diaboli morsum lethiferum impa-
 ctura: illam, cui quicumque repu-
 gnet, quantumvis ore Christum præ-
 dicet, non magis Christo, quàm Pu-
 blicanus aut Ethnicus, potiatur. Nō
 est ausus contravenire sonitu. Vide-
 ri noluit Ecclesia, quam toties Scri-
 ptura commemorant, refragari: no-
 men callide retinuit, rem ipsam fun-
 ditus definiendo sustulit. His enim
 proprietatibus delineauit Ecclesiā,
 (b) quæ penitus ipsam occultant, & (b)
 dimotam à sensibus, tamquam ide-
 am Platoniam, secretis obtutibus
 hominum per paucorum subijciunt;
 eorum tantummodo, qui singulari-
 ter afflati, corpus hoc æreum intel-
 ligentia comprehenderent, & huius-
 ce sodalitatis participes subtili quo-
 dam oculo lustrarent: Vbi candor?
 Vbi simplicitas? Quæ scriptura,

qua serpsa? qui Patres hoc penicillo
 depingunt Ecclesiā? sunt (c) Chri-
 sti ad Asiaticas Ecclesias, sunt Pe-
 tri, Pauli, Ioannis, aliorum ad di-
 versas epistola: frequentes in Actis
 Apostolicis inchoantur & propagā-
 tur Ecclesia. Quid iste? Num soli
 Deo & sanctis hominibus, an Chri-
 stianis etiam cuiuscunque generis
 manifesta? Sed profecto, durum te-
 lum necessitas est. Ignoscite. Nam
 qui seculis omnino quindecim, non
 oppidum, non villam, non domum
 reperiunt imbutam doctrina sua, do-
 nec (d) infelix Monachus incesto
 connubio votam Deo Virginem su-
 nestasset, aut (e) Helvetus gladi-
 ator in Patriam coniurasset, aut sti-
 gmaticus (f) perfuga Genavam oc-
 cupasset; Ii coguntur Ecclesiam,
 si quam volent, in latebris vendita-
 re, & eos parentes asserere, quos nec
 ipsi nouerint, neq; mortalium quis-
 quam aspexerit. Nisi fortè gaudent

- (g) maioribus illis, quos Hæreticos fuisse liquet, Et (g) Aërii, Ioviniano, Vigilantio, Heluidio, Iconomachis, Berengario, Waldensibus, Lolchar-
 (h) do, Wiclefo, Hussio, (h) à quibus pestifera quaedam fragmenta dogmatum emendicant. Nolite mirari si sumulos istos non pertimui: quos, modo ad meridianam lucem Venero, minimè fuerit laboriosum dispellere. Hæc est enim nostra sermocinatio. Dic mihi, subscribis Ecclesia, quæ seculis antea actis viguit? omnino obeamus ergo terras & tempora: cui? cætui fidelium. quorum? nomina nesciuntur, sed constat plurimos extitisse. Constat? quibus constat? Deo. Quis dicit? nos, qui diuinitus edocti sumus. fabulæ. qui credam? si arderes fide, tam scires hoc, quam te viuere.

Spectatum admissi risum teneatis?

Iuberi Christianos omnes adiungere se Ecclesiæ, cauere ne spirituali

gladio

gladio trucidentur, in domo Dei pacem colere, huic animas credere columini Veritatis, isthic querelas omnes deponere, hinc eiectos habere pro Ethnicis; nescire tamen tot centenis, tot homines, ubinam illa sit quae huc pertineant? Unum illud crepare in tenebris: Ubi, Ubi sit Ecclesia, tantummodo Sanctos in aethera destinatos ea contineri? Ex quo sit, Et si quis imperium sui Praesulis detrectare velit, scelere solvatur, dummodo sibi persuadeat Presbyterum in crimen incidisse, & ab Ecclesia protinus excidisse. Cum scirem adversarios talia comminisci, quod nullius aetatis Ecclesia consueverat, & orbatos tota res, velle tamen inter angustias, vocabulum possidere, solabar me vestro acumine, atque adeo mihi pollicebar fore, Et quamprimum huiusmodi technas ex ipsorum confessione cerneretis, statim homines ingenui & cordati, stultas argutis

in Vestram intentas perniciem discinderetis.

(a) Apo. 21. ver. 10. Psal. 79. ver. 9. Isa. 2. & 35. vers. 8. Cant. 6. Matt. 13. Ephes. 5. 1. Cor. 12. 1. Tim. 3. Ioan. 14. Matt. 16. Matt. 18. (b) Cal. Institut. lib. 4. ca. 1. num. 2. & 3. (d) Apo. 1. 2. 3. Act. 8. 10. 21. & seq. (e) Lutherus. (f) Zuinglius. (g) Calvinus. (h) Henri. Patal. in Chronogr.

CAPVT IIII. QVARTA RATIO. Concilia.

Dum Concilia generalia, ad quæ omnis Ecclesiarum Christi in terris religio, maturitas, scientia, sapientia, dignitas congregatur, adhibiti que omnibus mediis & diuinis & humanis, quibus indagari veritas potest, Spiritus sancti imploratur auxilium, omnia tamen respuunt Ministri; eò ipso satis declarant, legitima veritatis inuenienda via se omnino excedisse

GRAVIS Ecclesiæ nascente, quaestio de legitimis ceremoniis,

qua

qua credentium animos disturba-
 uit, coacto Apostolorum & Senio-
 rum concilio soluta est. Credidèrè
 parentibus filij, pastoribus oves, in
 hac Verba mandantibus. (a) Placuit
 Spiritui sancto & nobis. Sequenta
 sunt ad extirpandam hæresim, qua
 varia quibusque seculis pullulauit,
 æcumenica veterum Concilia qua-
 tuor, tantæ firmitudinis, Et iis ante
 (b) annos mille, singularis honos
 tanquam diuinis Sacris habere-
 tur. Non abibo longius. Etiam do-
 mi nostra; (c) comitiis regni, eadẽ
 Concilia, pristinum ius inuiolatam-
 que dignitatem obtinent. Hæc cita-
 bo; req; ipsum, Anglia, dulcissima
 patria, contestabor. Si, quemadmo-
 dum præ te fers, quatuor ista Conci-
 lia reuerebere, summum honorem
 primæ sedis Episcopo, id est Petro
 (d) deferres. Incruentum corporis &
 sanguinis Christi sacrificium in al-
 tari (e) recognosces, Beatos Marty-

- (f) res diuosq³ omnes Cœlites, Et pro te Christo supplicent, (f) obsecrabis.
- (g) Mulierosos Apostatas ab infando concubitu, Et incestu publico (g) coërcebis: multa facies, qua demoliris, multa, qua facis infecta Soles. Porro Synodos aliorum temporum, nominatim Scro Tridentina meiusdem auctoritatis ac fidei, cum primis illis fuisse, quando Scus Venerit, demonstraturum me spondeo atque recipio. Auctus igitur Conciliorum omnium Valido Et exquisito praesidio, cur non ingrediar in hanc palæstram, animo tranquillo Et presenti, observaturus Aduersarium quò se proripiat? Nam Et euidentissima producam, qua distorquere non poterit; Et probatissima, qua respuere non audebit. Fortasse Verbofusus obloquendo dicem extrahere conabitur: sed ab intentis hominibus, si Vos ego benè noui, nec aures nec oculos compilabit, Quòd si quis erit omninè

tām

giam demens, qui se unum opponat
Senatoribus orbis terræ, & iis quidem
omni exceptione maioribus, sanctio-
ribus, doctioribus, vetustioribus, li-
benter aspiciam illud os; quod vbi
vobis ostendero, reliqua cogitationi-
bus vestris relinquam. Interim hoc
monebo: Qui pleno Concilio ritè
atque ordine consummatomomentū
& pondus abrogat, videri mihi nul-
lo consilio, nullo cerebro, neq. solum
in Theologicis tardum, sed etiam in
Politicis inconsultum. Si unquam
Dei Spiritus illuxit Ecclesia, certè
illud est tempus immittendi Numi-
nis, quum omnium Ecclesiarum, quæ
sunt in terris patentissima, religio-
maturitas, scientia, sapientia, digni-
tas, unam in orbem confluxerint,
adhibitisq. modis omnibus, diuinis
& humanis, quibus indagari veri-
tas possit (h) promissum imploret
Spiritus, quo salutariter & prudē-
ter sanciant. Profiliat nunc aliquis

(h)

(i) factionis Haretica magistellus, at-
 tollat spercilia, suspendat nasum,
 frontem perfricet, indices q³ suos scur-
 riliter ipse iudicet, quos ille ludos,
 quos iocos dabit? Repertus est (i)
 Lutherus, qui diceret anteferre se
 Cōciliis, duorum suffragia bonorum
 & eruditorum hominum (putatote
 suum & Philippi) si quando in
 Christi nomine consensissent. O cir-
 culos. Repertus est (k) Kēnitius qui
 Concilium Tridentinū ad suos Ser-
 tiginis importuna calculos exegerit,
 quid lucratus? Infamiam. Dum
 iste, ni cauerit, sepelietur cum Arrio:
 Tridentina Synodus, quò magis in-
 ueterascet, eò magis in dies, eòque
 perennius efflorescet. Bone Deus,
 quæ gentium Varietas, qui delectus
 Episcoporum totius orbis, qui Regū
 & Rerum publicarum splendor, quæ
 medulla Theologorum, quæ sancti-
 tas, quæ lachryma, quæ ieiunia, qui
 flores Academici, quæ lingua, quæ a

subtilitas

subtilitas, quantus labor, quim infinita lectio, quanta virtutum & studiorum diuitie, augustum illud Sacramentum implenerunt? Audiuero Pontifices exultantes, & in his Antonium Archiepiscopum Pragensem, à quo sum creatus Presbyter, amplissimos & prudentissimos viros, quod in ea schola hæssent aliquot annis: Et nullum Ferdinandi Caesaris, cui multum debuerant, regalius & uberius in se beneficium colerent, quam hoc fuit, quod in Tridentino Gymnasio legati ex Pannonia confedissent. Intellexit hoc Caesar, qui reuersis ita gratulatus est: Alumnus vos in Schola optima. Huc inuitati fide publica cur non properarunt aduersarij, Et eos palam refellerent, in quos rancunculi coaxant è cauernulis? Hussio & Hieronymo fregere fidem, inquit. Qui? Constantiensis Concilij procures. Falsum est. nullam enim dedere. Sed nec in

Huſſium tamen animaduerſum fu-
 iſſet, niſi homo perfidioſus & peſti-
 lens retractus ex fuga, quam ei Si-
 giſmundus Imperator periculo capi-
 tis interdixerat, Violatis etiam con-
 ditionibus, quas ſcripto pepigerat
 cum Caſare, ſim omnem illius di-
 plomatis enervāſſet. Feſellit Huſſi-
 um præcipitata malitia. Iuſſus e-
 nim, cum barbaras in ſua Bohemia
 Tragædias excitāſſet, ſemetipſum
 ſiſtere Conſtantia, deſpexit præroga-
 tiuam Concilij: ſecuritatem petijt à
 Caſare, Caſar obſignauit, Chriſtia-
 nus orbis reſignauit, maior Caſare,
 redire ad mentem Hæreſiarcha no-
 luit, perijt. Hieronymus Verò Pra-
 genſis furtim venit Conſtantiam,
 protectus à nemine, deprehenſus cō-
 paruit, perorauit, habitus eſt per-
 benignè: liber abiit quo ſoluit, ſa-
 natus eſt, hæreſim eiurauit, relapſus
 eſt, exuſtus eſt. Quid toties vnum
 exemplum de ſexcentis exagitant?

Repetant

Repetat Annales suos (1) Martinus ipse Lutherus, odium Dei & hominum, Augusta positus coram Cardinale Caietano, nonne quod potuit, eructavit, & Maximiliani literis communitus, excessit? Idem accitus VVormatiam, cum & Caesarem & plerosq; Imperij Principes haberet insensos, nonne Caesaris verbo tutus fuit? Postremò Lutheranorum & Zuinglianorum capita presente Carolo Quinto, Hereticorum hoste, Victore, domino, nonne datis induciis Confessiones suas toties innouatas exhibuere Comitibus Augustanis, & sospites abiire? Haud secus, litera Tridentina locupletissimas aduersario cautiones prouiderat, uti noluit. Nimirum se iactat in angulis, in quibus sibi tria Verba Græca sonnerit, sapere videatur: abhorret à luce, qua literatorem in numero poneret, & ad honesta subsellia denocaret. Catholicis Anglis tale chiro-

graphum impunitatis impetrent, si diligunt salutem animarum. Nos Hussium non causabimur. in Curia, Verbo Principis innixi, conolabimur

Sed Et Unde sum egressus eò regrediar, Concilia generalia mea sunt: primum, vltimum, media. his pugnabo. Hastam expectet aduersarius amentatam, quam euellere nunquā poterit. Prosternatur in eo Satanas, Christus Vincat.

(a) Act. 15. (b) Greg. lib. 1. epi. 24. (c) An. 1. Elizab. (d) Nicæ. can. 6. Chalced. act. 4. & 16. Constant. cap. 5. (e) Ephes. conc. in epist. ad Nestor. Nic. c. 14. (f) Chalc. act. 11. (g) Nicæn. Concil. apud Soc. lib. 1. ca. 8. Vide Chalc. can. 4. 7. 14. 24. (h) Ioan. 14. Matt. 18. (i) Lib. de Cap. Bab. (k) Martin. Kemnitij examen Conc. Tridentini. (l) Anno 1518. Anno 1521. Vide Concil. Trid. sess. 13. 15. & 18.

CAPVT V.
QVINTA RATIO.
Patres.

Dum

Dum variè præ se contemnunt Doctores antiquos Ecclesiæ & omnes & singulos Ministri, nec possunt aliter, si sibi constare velint; eo ipso manifestant, ab omni se Dei providētia, qua Ecclesiam is suam perpetuò gubernat, alienos esse.

A Ntiochia, qua primum in Urbe Christianorum nobile cognomentum increbuit, Doctores, id est, Concionatores perquam celebres floruerunt. Huiusce generis (a) Scribas & Sapientes, doctos in regno Dei nova promentes, & vetera, Christum callentes, & Moysen, Dominus ipse futuro gregi prospexerat. Hos ingentis beneficii loco donatos explodere, quanti maleficii est? explosit adversarius. quid ita? quia stantibus illis concidisset. Id ego cum pro certissimo comperissem, pugnam simpliciter exoptavi; non illam iocularem, qua turba delitatur in compitis, sed istam severam Sacram, qua con-

gredimur

(a)

*gredimur in Vestris Philosophorum
spaciis.*

Pede pes, densusque viro vir.

- Ad Patres si quando licebit acce-
dere, confectum est praelium, tam
sunt nostri, quam Gregorius ipse de-
cimius tertius, filiorum Ecclesie Pa-
ter amantissimus. Nam Et omittam
loca sparsa, quae ex monumentis Ve-
terum conquisita, nostram fidem ap-
positè affirmateq; propugnant, tene-
mus horum integra Volumina; quae
de industria religionem, quam tue-
mur Evangelicam, distinctè copio-
seq; dilucidant. Duplex Hierarchia*
- (b) *Martyris (b) Dionysii, quas classes,
quae sacra, quos ritus edocet? Pup-
git eares Lutherum (c) tam Valde,
(c) Et huius opera simillima somniis, nec
non perniciosissima iudicaret. Imit-
tatus parentem (d) Causaeus, nescio
(d) quis terra filius ex Gallia, non est Et
ritus hunc Dionysium inclyta gen-
tis Apostolum Vocitare delirū senem.*

Centuriatores Vehementer offendit
(c) *Ignatius, offendit & Calvinū,* (c)
& in eius epistolis deformes nauos
& putidas nānias, hominum quis-
quilia, notārint. Censoribus illis
fanaticum (f) quiddam *Irenaeus* edi- (f)
dit: Clemens, auctōr Stromatum,
Zizania fecesque protulit: reliqui
Patres huius aui, sanè Apostolici
Viri, blasphemias & monstra posteris
reliquerunt. In (g) *Tertulliano ra-* (g)
piunt auidè, quod à nobis edocti, no-
biscum communiter detestentur: sed
meminerint libellum de praescriptio-
nibus, qui nostri temporis Sectarios
tam insigniter perculit, nunquam
fuisse reprehensum. (h) Hippolytus (h)
Portuensis Episcopus, quā belle,
quā clarè, Antichristi neruū Lu-
therana tempora prae monstravit?
Eum propterea Scriptorum infantis-
simum & larvam nominant. Cypria-
num delicias & decus Africa, Gal- (i)
licanus ille (i) Criticus, & (k) Mu- (k)

gdeburgici, stupidum & destitutum
 Deo & deprauatorem, poenitentia
 nuncuparunt. Quid admisit? Scri-
 psit enim de Virginibus, de lapsis, de
 Unitate Ecclesia tractationes eius-
 modi, eas etiam Epistolae Cornelio
 Romano Pontifici, Si nisi fides huic
 Martyri detrahatur, Petrus Martyr
 Vermilius, omnesq; cum ea fœdera-
 ti, peiores adulteris, & sacrilegis ha-
 beantur. Ac ne singulis insistam di-
 uitiis: Patres huius seculi damnā-
 tur omnes, quippe qui doctrinā (l)
 de poenitentia, mirè deprauarint,
 (m) quo pacto? nam austeritas (m) Ca-
 nonū quae signit ea temperate, ma-
 iorem in modum displicet huic Se-
 ctae plausibili quae tricliniis aptior
 quam templis, voluptarias aures ti-
 tillare, & puluillos omni cubito so-
 let assuere. Quid etas proxima, quid
 peccauit? Chrysostomus & ij Patres
 (n) iustitiam fidei fœdē videlicet,
 obscurarunt. Nazianzenus, quem

bonoris

honoris causa Theologum Veteres ap-
pellarunt, (o) Causæo indice, Fabu-
lator quid affirmaret, nesciit. *Ambrosius* à *Cacodæmone* fasciatus est,
Hieronymus aequè damnatus atque
diabolus, iniuriosus (p) Apostolo, bla-
sphemus, sceleratus, impius. Vnus
Gregorio Massonio pluris est Calui-
nus, quàm centum *Augustini*. *Parum*
est, centum. Lutherus nihili facit ad-
uersum se, (q) mille *Augustinos*, mil-
le *Cyprianos*, mille *Ecclesias*. Lon-
gius rem deducere *superuacaneum*
puto. Nam in hos qui bacchantur,
quis mirctur in *Optatum*, *Athana-*
sium, *Hilarium*, *Cyrillos*, *Epipha-*
nium, *Basilium*, *Vincentium*, *Ful-*
gentium, *Leonem*, *Gregorium* q₃ *Ro-*
manum, fuisse procacissimos?

Quamquam, si datur & illa rebus
iniustis, iusta defensio, non inficior,
habere Patres, Ubicumque incideris,
quod isti dum sibi consentiunt, ne-
cessario stomachentur. Etenim qui

odere stata ieiunia, quo animo oportet esse in Basilium, Nazianzenū, Leonem, Chrysostomū, qui de Quadragesima, & indictis ieiuniorum feriis, tanquam de rebus iam & stassis, conciones egregias publicârunt?

Qui suas animas, auro, libidine, crapula, & ambitiosis conspectibus vendiderunt, possuntne non esse inimicissimi Basilio, Chrysostomo, Hieronymo, Augustino, quorum excellentes libri de Monachorum instituto, regula, virtutibus, teruntur?

Qui captivam hominis voluntatem inuexere, qui Christiana funebria sustulere, qui Diuorum reliquias incendere, sintne placabiles Augustino, qui de Libero Arbitrio, libros tres, De cura pro mortuis, & unum: De miraculis ad Basilicas, & memorias Martyrum, prolixum capitulum (1) nobilissimi operis, & conciones aliquot exaravit?

Qui fidem suis captiunculis meti-

untur, nonne succenseant Augusti-
no, cuius est insignis (f) Epistola (f)
contra Manichæum, qua se profite-
tur, antiquitati, consensio[n]i, succes-
sio[n]i perpetua, & Ecclesia qua sola
inter tot hæreses Catholica nomen &
suscipione vendicat, assentire?

(t) Optatus, Milevitanus Epi- (t)
scopus, Donatianam partem reuin-
cit ex communione Catholica: ne-
quitiam accusat ex decreto Melchi-
dis: (u) hæresim refutat ex ordine (u)
Romanorum Pontificum: (x) insa- (x)
niam patefacit in Eucharistia &
Chrysmate contaminatis (y) sacri- (y)
legium horret, ex diffractis altaribus
in quibus Christi mēbra portata sunt,
pollutisq; calicibus, qui Christi san-
guinem tenuerunt. De Optato quid
sentiāt, aucto scire, quem (z) Augu- (z)
stinus & Venerabilem & Catholicū
Episcopum, Ambrosio parem & Cy-
priano: quem (a) Fulgentius & san- (a)
ctum & fidelem Pauli interpretem,

Augustini similem & Ambrosii meminere.

Athanasii Symbolum in Templis concinunt. Num fauent ei? qui Antonium Eremitam Aegyptium, grauis auctor, accurato libello dilaudauerit, qui & cum Alexandrina Synodo, iudicium Sedis Apostolica, diui Petri, suppliciter appellarit? Prudentius in Hymnis, quoties precatur Martyres, quos decantat? quoties ad eorum cineres & ossa, regem Martyrum generatur? Num hunc probabunt? Hieronymus pro Diuorum reliquiis: & honoribus scribe in Vigilantiis: in Iouinianum, pro Virginitatis gradu. Huiccine patitur?

- (b) *Ambrosius tutores suos Gervasium & Protasium, (b) celebritate notissima, in Arrianam ignominiam honestauit: cui facto diuiniſſimi*
 (c) *Patres encomion tribuere: quod factum Deus non vno prodigio deo*

rauit.

rauit. Num beneuoli sunt Ambrosio futuri?

Gregorius Magnus noster Apostolus, planissime noster est, eoque nomine nostris Aduersariis odiosus: quem Caluini rabies negat in Schola sancti Spiritus educatum, propterea quod sacras imagines, Illiteratorum libros, appellasset.

Dies me deficeret numerantem Epistolas, Conciones, Homilias, Orationes, Opuscula, Disceptationes Patrum, in quibus ex apparatō: graui-ter & ornatē nostra Catholicorum dogmata roborarunt. Quamdiu apud Bibliopolas ista uenerint, tādus frustra nostrorum Codices prohibentur: frustra seruantur aditus oraeque maritimae: frustra domus, arca, scrinia, capsulae disquiruntur: frustra tor portis minaces tabulae suffiguntur. Nullus enim Harlingus, nec Sanderus, nec Alanus, nec Stapletonus, nec Bristolius hac noua somnia Ce-

hementius, quàm hi, quos recensui, Patres insectantur. Talia cogitanti accreuit animus & desiderium pugna, in qua, quoquò se mouerit Adversarius, nisi gloriam Deo cesserit, feret incommodum. Patres admisserit, captus est: exclusit, nullus est. Adolescentibus nobis ita contigit.

Ioānes Iuellus antesignanus Calvinianorum Anglia, Catholicos ad Diui Pauli Londinensium incredibili iactantia laceßiuit, innocatis per hypocrisin & imploratis Patribus, quicunque intra salutis annum sexcentessimum claruissent. Accipiunt conditionem memorabiles Viri, qui tùm exulabant Louanij, summis licet difficultatibus propter iniquitatem suorum temporum circumsepti. Ausim dicere, tanto popularibus nostris bono fuisse illam Iuelli astutiam, inscitiam, improbitatem, impudentiam, quas ij Scriptores feliciter expanderunt, Et vix aliud quic

quam,

quam memoria mea, prouenerit Anglorum Ecclesia laboranti fructuosius. Edictum continuo Saluis appenditur, ne qui codices illiusmodi legerentur, neue haberentur: quum tantis clamoribus propemodum extorri prodiissent, didicere quicumque negotium attigissent; Patres fuisse Catholicos, id est, nostros. Neque hoc sibi suisque vulnus inflictum (d) Laurentius Humfredus tacuit, qui cum Iuellum quo ad cetera sustulisset, Snam ei notam aspersit inconsiderantia, quod Patrum calculos recepisset: quibuscum sibi nihil esse commercij, nec forte, sine ulla circuitione proloquitur.

(d)

Pertentauius etiam familiariter aliquando Tobiam, Matthaeum, qui nunc in concionibus dominatur, quem propter bonas artes, & Virtutum semina dileximus; Ut responderet ingenuè, possètne qui Patres assiduis lectitaret, istarum esse par-

rium

tium quas ille suaserat ? retulit, non posse, si pariter eos legeret, iis q³ crederet, Verissimum hoc Verbum est, neque aliter aut eum nunc, aut Matthæum Huttonum, qui Sir nominatus in paucis, Versare Patres dicitur, aut reliquos Aduersarios, qui hoc faciunt, sentire arbitror.

Hactenus ergo securus in hanc aciem potui descendere, bellaturus cum iis, qui quasi auribus lupum teneant, aternam causæ maculam cogantur inurere, siue recusent Patres, siue deposcant. Num in altero fugam adornant, in altero suffocantur.

(a) Acto. 13. 1. Cor. 12. Ephes. 4. 1. Cor. 14. (b) Matt. 13. & 23. (c) S. Dion. Areop. de quo vide 6. Syn. ac Adon. 4. (d) Treu. in Mart. Turon. Syng. Sui. Metap. (e) cōmen. in 1. 13. 17. Deut. Item in c. Bab. (f) Dial. 5. & 11. (g) Cen. 2. c. 10. Cent. 1. lib. 2. c. 10. & seq. Instit. l. 1. c. 13. num 29. (h) Cen. 2. ca. 5. Cen. 1. li. 2. cap. 10. & sequen. (i) Libr. de præf. con. hæz. (k) Orat. de conf. secul.

Incl.

(l) Iuel. & c. Canff. dial. 8. & 11. (m) Cent. 3. c. 4. (n) Canones pœnitentia veteres. Ezech. 13. (o) Præfat. in cent. 5. (p) Dial. 6. (q) Beza in Act. Apo. ca. 23. v. 3. Test. Stanc. libr. de Trinit. (r) Libr. cont. Hen 8. Reg. Angl. (s) Libr. 22. de de Ciui. Dei. c. 8. & ser. de diuers. 34. & seq. (t) Cō. epi. (u) Con. ep. Men. quam vocant funda. ca. 4. (x) Libr. 1. cont. Parmen. (y) Lib. 2. (z) Lib. 3. (ā) Lib. 6. (b) Aug. li. 1. contra Parmen. De vnit. cap. 16. & lib. 3. de doct. Christi cap. 40. (c) Fulgent. lib. 2. ad Monim. Vide S. Hiero. de Scriptor. Ecclesiæ. Vide epi. Syn. Alexand. ad Felic. 2. (d) Vide ep. D. Amb. ad episc. ita. Itē ad so. li 10. ep. 82. Item ser. 91. (e) Au. li. 22. de Ci. Dei. cap. 8. Grego. Tur. li. de gloria Mart. c. 46. Metaph. Instit. lib. 1. cap. 11. nu. 5. (f) Lib. de vita Iuelli.

CAPVT VI.

SEXTA RATIO,

Firmamenta Patrum.

Dum Ministri Patres aspernantur,
cūm ij maximè scripturis diuinis ni-

tantur: eo ipso quidem vnà cum ip-
sis, etiam ipsas scripturas in legitimo
sensu aspernantur: sicque planum
faciunt, cum Deo se minimè
sentire.

SI quibus Inquam cordi curaq;
fuit id, quod maximopere fuit
esse debet, Scrutamini Scripturas:
Ioan. 5. facile Principes & palmares
in hoc genere sanctissimi Patres ex-
titere. Horum opera sumptuq; tot gen-
tibus & linguis transcripta Biblia,
& importata sunt. Horum periculis &
cruciatibus, erepta de flammis hostili-
bus & castitate: Horum laboribus &
vigiliis, omnè in partè enucleata stu-
diosissimè, die noctuq; sacras Literas
imbibere, de suggestis omnibus sa-
cras Literas edidere, immensa volu-
mina sacris Literis ditauere, fide-
lissimis commentariis sacras Literas
explicauere, cibos & in ediam sacris
Literis condiere, occupati deniq; sa-
cris in Literis ad senectutem decre-
pitā peruenire.

Quod

Quod si frequentes ipsi quoque ab auctoritate Maiorum, ab Ecclesia praxi, à successione Pontificum, à Conciliis Oecumenicis, à Traditionibus Apostolicis, à cruore Martyrum, à scitis Præsulum, à Sissis, euentisq; mirabilibus argumentati sunt: tamen omnium maxime & libentissimè sanctarum Literarum testimonia densa conglobant, hæc premunt, in his habitant, huic armaturæ fortiū, (Cant. 4.) duces robustissimi, sarta recta Ciuitatis Dei, contra nefarios impetus quotidie munientes, optimo iure primas partes, honoratissimasq; porrigunt

Quo magis demiror illam exceptionem Aduersarij superbam & fatuam, qui velut aquam in profluente quaritans, sic in Scripturis confertissimis Scripturarū penuriam obiectat. Tantisper se Patribus assensurum dicit, dum sacris Literis adhaerescunt. Num loquitur ex animo?

curabo igitur procedant armati atque stipati Christo, Prophetis, Apostolis atque omni apparatu Biblico, celeberrimi auctores, antiquissimi Patres, sanctissimi Viri, Dionysius, Cyprianus, Athanasius, Basilus, Nazianzenus, Ambrosius, Hieronymus, Chrysostomus, Augustinus Latinusq; Gregorius. Regnet in Anglia fides illa, & tunc regnet, quam hi Patres amicissimi Scripturarum ex Scripturis exstruunt. Quas afferunt, afferemus: quas conferunt, confereamus: quod inferunt, inferemus. Placet? exscrea. dic sodes. Minimè Verò, inquis, nisi rectè exponant. Quid est hoc ipsum rectè? Arbitratu tuo. Nihil ne pudet labyrinthi?

Ergo cum sperem in Academiis florentissimis, consociatum iri bene multos, qui non pingui Minerva, sed acuto iudicio in has controuersias inspecturi sint, & horum responsa negatoria libraturi, latet hunc diem

campi

*campi preestolabor, Et qui contra syl-
uestres tumultus mendiculorum iner-
mum, nobilitatem & robur Eccle-
sia Christi cogitem educere.*

CAPVT VII.

SEPTIMA RATIO,
Historia.

Omniū seculorum historiarum Ec-
clesiasticarum & vniuersales, & certarum
gentium, nil nisi vel gesta Catholicor-
um, vel contra Catholicos molitio-
nes hæreticorum describunt. Dum
eam igitur oppugnant Ecclesiam Mi-
nistri, eo ipso vel nullam vnquam post
Apostolos Ecclesiam veram extitisse
(re quidē) concludunt, vel se certē ad
Ecclesiam veram minimē
pertinere.

Pristinam Ecclesie faciem Hi-
storia prisca reteggit. (Generales
Historici.) Huc prouoco. Certē anti-
quiores Historici, quos etiam & sur-
pant Aduersarij ferē numerantur :

Eusebius, Damasus, Hieronymus, Ruffinus, Orosius, Socrates, Sozomenus, Theodoretus, Cassiodorus, Gregorius Turonensis, Ysuardus, Regino, Marianus, Sigebertus, Zonaras, Cedrenus, Nicephorus. Quid narrant? Nostrorum laudes, progressus, vicissitudinem, hostes. Imò Verò quod observes diligenter, illi qui dissident à nobis odio capitali, Philippus, Pantaleon, Funecius, Magdeburgici, (Hæreticorum chronica & historia.) cùm se ad scribendam vel Chronologiam Ecclesiæ vel Historiã appulissent, nisi nostrorum gesta colligerent, ac inimicorum Ecclesiæ nostra fraudes & scelera coaceruarent, mille quingentos annos argumenti vacui pratermitterent.

Cum his considera peculiare certarum Historiographos regionum, qui unius acta cuiusq; populi, curiosius, operiosiusque scrutati sunt. (Historici certarum gentium.) Is quasi

spartam

spartam adp̄ri, quam locupletare modis omnibus & perpolire cuperent, qui ne conuiuia quidem lautiora, aut manicatas tunicas, aut pugnorum capulos, aut inaurata calcaria, talesq; minutias, si nouitate scirent, tacuere; profectò si quid in religione mutatum, aut à primis degeneratum seculis inaudissent, frequentes memorassent: si non frequentes, saltem aliqui: si non aliqui, unus aliquis absque dubio. Nullus omninò neque beneuolus nobis, neq; maleuolus, non modò quicquam tale prodidit, sed nec significauit.

Verbi gratia. Dant nobis Aduersarij, nec aliter possunt, fuisse Romanam Ecclesiam aliquando Sanctam, Catholicam, Apostolicam: tum cum hac à Dino Paulo promeruisset elogia. (a) Vestra fides annuntiatur in vniuerso mundo: sine intermissione memoriam vestri facio. (b) Scio quoniam veniens ad vos in

(a)

(b)

78 RATIO SEPTIMA

- (c) abundantia benedictionis Christi veniam: (c) Salutant vos omnes Ecclesia Christi vestra enim obedientia in omnem locum diuulgata est. tum, cum ibi (d) Paulus in libera custodia diffeminaret Euangelium: tum, cum in ea quondam (e) Babylone collectam Ecclesiam Petrus regeret: (f) tum, cum ille Clemens apprimè laudatus a (g) Apostolo, sederet ad ipsa gubernacula. tum, (h) cum prophani Cæsares Et Nero, Domitiani, Traianus Antoninus, Romanos Pontifices laniarent tum etiam, vel (i) Calpurnio teste, cum Damasus, Syricus, Anastasius, Innocentius, clauum tenerent Apostolicum. Hoc enim seculo, nihil adhuc, præsertim Rome, aggressis ab Evangelica doctrina, liberaliter ille concedit.

Quando igitur hanc fidem tantopere celebratâ Roma perdidit? quando esse desit, quod antè fuit? Quo tempore, quo Pontifice, qua Via,

qua

qua Si, quibus incrementis, Urbem
 Et orbem Religio peruasit aliena?
 Quas Voces, quas turbas, qua lamen-
 ta progeniuit? Omnes orbe reliquo
 sopiti sunt, dum Roma, Roma in-
 quam, noua Sacramenta, nouum
 sacrificium, nouum Religionis do-
 gma produceret? Nullus extitit Hi-
 storicus neque Latinus, neque Gra-
 cius, neque remotus, neque citimus,
 qui rem tantam vel obscure iaceret
 in commentarios.

Ergo perspicuum hoc quidem est,
 si qua nos credimus, Historia multa
 Et varia, nuncia Vetustatis, Vita me-
 moria, loquitur ac repetit afflucen-
 ter; qua isti obtrudunt, nulla narra-
 tio post homines natos in Ecclesia
 Caluisse commemorat Et Historicos
 esse meos, Et incursiones aduersarias
 esse frigidissimas, qua nihil mouere
 possint, nisi prius receptum sit, om-
 nes omnium temporum Christianos
 in spissam perfidiam, atque in Ge-

SO RATIO OCTAVA

*henna Soraginem corruisse, donec
Lutherus Boram constuprasset.*

(a) Rom. 1. (b) Rom. 15. (c) Rom.
16. (d) Act. 28. (e) 1. Petr. 5. (f) Hiero.
in c. scri. Eccle. & Papias apud Euf. 2.
histor. 14. (g) Phil. 4. (h) Iren. 1. 3. c. 3.
(i) Instit. li. 4. c. 2. nu. 3. & in Epistol.
ad Sadol. Vide Coclæ: in Anno 1523.

CAPVT VIII.

RATIO OCTAVA,
Paradoxa.

Cūm portenta opinionum absur-
dissimarū inuexerint Ministri de Deo,
de Christi persona, de hominis natu-
ra, de peccato, de iustitia, de Sacra-
mento, de moribus Christianis: iure
optimo inferimus, à diuinæ veritatis
Spiritu eos minimè gubernari.

EGo Verò, prestantissimè Viri,
cūm de multis haresibus, qua-
dam apud me opinosissimorum por-
tenta reputo, qua mihi venient ex-
pugnanda: me ipsum inertia Secor-

diq̃, condemnem, si cuiusquam in
 experiundo facultatem aut vires ex-
 timescerem. Sit ingeniosus, sit elo-
 quens, sit exercitatus, sit omnium
 librorum belluo, tamen aridus ap-
 pareat & balbus necesse est, cum
 hac tam *ἀδυνάτῃ* sustentabit. Di-
 sp̃tabitur enim, si fortè nobis annu-
 èt, de Deo, (a) de Christo, de Homine,
 de Peccato, de Instituta, de Sacramē-
 tis, de Moribus. Videro an ausint ad-
 seuerare quæ sentiūt, quæq̃, rebus ad-
 dicti, necessariis diuulgant inscripti-
 unculis. Faxo nōrint ista (b) suorum
 Axiomata: Deus est auctor & causa
 peccati, volens, suggerens, efficiens,
 iubens, operans, & in hoc impiorum
 scelerata consilia gubernans. Propriū
 Dei opus fuit, vt vocatio Pauli, sic a-
 dulterium Davidis, Iudæque prodito-
 ris impietas. *Monstrum hoc*, cuius
Philippum aliquando puduit, *Lucho*
tamen, à quo Philippus hanse-
 rat, quasi oraculum cæleste miris ex-

(a)

(b)

tollit laudibus, & alumnus suum eo nomine tantum non exaquat Apolo Paulo. Percontabor etiam quid animi Luthero fuerit, quem Angli Calviniani virum diuinitus datum ad orbem illuminandum pronunciant, cum hunc Versum demeret supplicationibus Ecclesia: Sancta Trinitas vnus Deus, miserere nobis?

(c) *Mox ad personam (c) Christi progrediar. quæram, ista sibi quid velint: Christus Dei filius Deus de Deo, Caluino: Deus ex sese, Beza, non est genitus de Patris essentia.*

Item: Dux constituentur in Christo vniones hypostaticæ, altera animæ cum carne: diuinitatis cum humanitate altera: (d) Locus apud Ioannem: Ego & Pater vnus sumus, non ostendit Christum Deum Homoousionem Deo Patri. Sed & anima mea, inquit Lutherus, odit hoc verbum Homoousionem. Pergite.

(e) *Christus ab infantia non fuit gratia consummatus, sed animi dotibus, velut ceteri homines adoleuit: vsu*

factus

factus quotidie sapientior ita ut puerulus ignorantia laborarit. *Quod perinde est, ac si dicerent, originis labe & vitio sordidatum. Sed cognoscite diriora.* Christus cum orans in horto, sudoribus aquæ manaret & sanguinis, sensu damnationis æternæ cohorrui: vocem edidit sine ratione, sine spiritu, vocem doloris, impetu repentinam: quam ut non satis meditatam, celeriter castigavit. *Est ne aliquid amplius? attendite.* Christus cum actus in crucem exclamaret: Deus meus, Deus meus, ut quid dereliquisti me. accensus est flammis inferni, desperationis vocem emisit, non aliter affectus, quàm si percundum ei foret interneceione sempiterna: *His etiam si quid possunt addant,* Christus, *inquiunt,* descendit ad inferos, id est, mortuus gehennam gustavit, nihilominus quàm animæ damnatorum: nisi quod sibi restituendus erat. Quandoquidem enim morte corpora nobis nihil profuisset, anima quoque cum morte luctari debuit æterna, atq;

- hoc modo nostrum scelus suppliciumque dependere. *Ac ne quis forte suspicetur, istud Caluino per iniuriam obrepisse, idem (f) Calvinus omnes vos, si qui doctrinam istam solatii plenam exagitastis, perditos, appellat nebulones. Tempora; tempora, cuiusmodi monstrum aluistis? cruor ille delicatus & regius, qui de innocentis Agni corpore lacerato fissoque scaturit; cuius cruoris una quavis guttula, propter dignitatem Hostie, mille mundos redimere potuisset, nihil humano generi profecit, nisi (g) mediator Dei & hominum, homo Christus Iesus, mortem quoque secundam mortem animae, mortem gratiae, peccati solius & exitiabilis blasphemiae sociam pertulisset? Prae hac insania modestus & videtur (h) Bucerus, quanquam est impudens, qui infernum in Symbolo sepulchrum accipit per Epexegesin valde praeposteram ac potius Tautologiam ine-*

ptam

ptam atque stolidam Anglicani Sectarij pars Caluino idolo suo, pars Bucero magno Magistro solent accedere: pars etiam submurmurent in hunc articulum, ne quid facessat & ltra molestia, quemadmodum sine tumultu penitus eximatur de Symbolo. Id Serò etiam fuisse tentatum in conspecticulo quodam Londinensi mihi narrare mihi, qui interfuit, Richardum Chenium miserissimum senem malè mulctatum à latronibus foris, neque tamen ingressum in paternā domū. Hactenus de Christo.

De homine quid? Imago Dei penitus (i) in homine deleta est, nulla boni scintilla superstita: tota natura, quoad omnes animæ partes, ita funditus euerfa, vt ne renatus quidem & sanctus quicquam sit aliud intrinsecus, nisi mera corruptio atq; cōtagio. quorsum ista? Et qui sola fide gloriā rapturi sunt, in omnium turpitudinum cæno solutati naturam accu-

(i)

sent: Virtutem desperent: praecepta deonerent.

(k)

Huc (k) Illyricus Magdeburgensium Primipilus, illud suum adiecit immane placitum de originis peccato: quod esse vult intimam substantiam animarum: quippe quas post Adami lapsum Diabolus ipse procreet, & in se se transformet. Hoc quoque tritum est in hac fece: omnia peccata esse paria: sed ita (ne Stoici reuiviscant) si Deo iudice ponderentur. Ac si Deus, equissimus iudex, oneri nostro cumulum potius, quam levamentum faceret, & id quod non est in re, cum sit ipse iustissimus, exaggeraret. Hac trutinâ, non levis in Deum severissimè iudicantem deliquerit ille caupo, qui gallum galinaceum, quando non est opus, occiderit, quam infamis ille Sicarius, qui plenus Beza, Gallum Heroa Guisium, admirabili virtute Principem displosa fistula clancu-

lum

*lum interemit, quo facinore nihil
vidit orbis noster at. ite nostra fune-
stius, nihil luctuosius.*

*Sed fortasse, qui iam sunt in pec-
cati conditione tetrici, magnificè
philosophatur de divina gratia: quæ
huic malo succurrere ac mederi ipso-
sit. Præclaras Verò (1) isti partes,
assignant gratia, quam neq; infusam,
cordibus nostris, neque ad resisten-
dum sceleribus validam esse latrant,
sed extra nos in solo Dei favore col-
locant, qui fauor non emendet im-
pios, nec purget, nec illuminet, nec
diter, sed Veterem illam sententiam
adhuc manentem atque sætentem,
ne deformis & odiosa putetur, Deo
conniunte dissimulet. Quo suo pla-
smate tantoperè delectantur, Si ne
Christus quidem aliter apud illos gra-
tia plenus & veritate dicatur, quàm
quòd ei Deus Pater mirandum in mo-
dum fauerit.*

*Quæ res ergò iustitia est? (m) (m)
Relatio. Non enim ex Theologicis*

concinmata virtutibus, fide, spe, charitate, qua animam suo nitore conuestiant, sed tantum occultatio delicti, quam qui sola fide deprehenderit, ille tam de salute certus est, ac si iam pridem interminato Cœli gaudio frueretur.

- Age somniet hoc: sed unde constare poterit de futura perseverantia,*
 (n) *qua qui caruit, exiit infelicissimus, licet ad tempus pure pieq[ue] institutam coluisset? Imò Verò hæc tua*
 (o) *fides, (o) Calvinus ait, nisi tuam tibi perseverantiam firmè pronunciet, ut hallucinari nequeas, tanquam inanis & languida sperneretur. Agnosco discipulum Lutheri. Christianus, inquit ille, etiam volens, non potest salutem perdere, nisi nolit credere.*

- Ad Sacramenta festino. Nullum, nullum, non duo, non unum, o sancte Christe, reliquerunt. Ipsorum quippe panis, venenum est. Baptismus, etsi adhuc verus est, tamen ipsorum iudicio nihil est, (p) non est*

vnda salutis, non est canalis gratiæ, non deriuat in nos Christi merita, sed significatio duntaxat salutis est. Itaq; nihilo pluri Baptismum Christi, quoad naturam rei, quàm Ioannis fecere cærimoniam. Si habeas, rectè: si careas, nihil damni: (q) crede, saluus es, antequam abluâre. *Quid ergo paruuli, qui nisi inuentur virtute Sacramenti, sua fide miselli nihil assequuntur? Potius quàm Sacramēto Baptismatis quicquam tribuamus, inquirunt Magdeburgici, demus inesse fidem ipsis infantulis, qua seruentur, cuius fidei pulsus quosdam abditos intelligant ipsi: qui viuant, nec ne, nondum intelligunt. Durum. Si hoc adeò durum est, Lutheri pharmacum auditoꝛe. Præstat, inquit, (r) omittere, quandoquidem nisi credat infans, ne quicquam lauatur. Hæc illi quidem, ancipites animo, quidnam enunciēt categoricè. Ergo Balthasar Pacimontanus, dirimitor interueniat: qui parens Anabaptista-*

(q)

(r)

rum, cum parvulis motum fidei non
posset assingere. Lutheri cantium-
culam approbavit, & paedobapti-
smum ejiciens e templis, neminem
nisi adultum fonte sacro decrevit ab-
luere. Ad reliqua Sacramenta quod
attinet, quamvis illa bestia multi-
ceps horrendas eructet contumelias;
tamen, quia quotidiana iam sunt,
& callum auribus obduxerunt, hic
pratero.

(f) Restant Hereticorum de Vita &
moribus frustra nocentissima, qua
(f) Lutherus evomit in chartas: Et
ex viciis pectoris impuro gurgustio
resien. Lectoribus inhalaret. Audi-
te patienter, & erubescite, & mihi
date veniam recitanti. Si nolit vxor
aut non possit, veniat ancilla. Siqui-
dem res vxoria tam est cuique neces-
saria, quam esca, potus, somnus. Ma-
trimonium est virginitate multò præ-
stantius. Eam Christus, eam Paulus
dissuasere hominibus Christianis.
Sed hæc fortasse propria Lutheri

sunt.

*sunt. Non sunt. Etiam nuper à meo Charcero, sed miserè timideq; defenduntur. Vultis ne plura? quidni? quanto sceleratior es, inquit, tanto vicinior gratiæ. Omnes actiones bonæ peccata sunt. Deo iudice, mortifera: Deo propitio, leuiuscula. Nemo malū suapte volūtatē cogitat. Decalog. nihil ad Christianos. Opera nostra Deus nequaquam curat. Soli rectè participāt Cœna Dominica, qui tristes, affictas, perturbatas, confusas, erraticas appor-
tant conscientias. Confitenda crimina sunt, sed cuilibet, qui si te vel ioco absoluerit, modo credideris, absolutus es. Legere preces horarias non est Sacerdotum sed Laicorum. Christiani, liberi sunt à Statutis hominum. Satis superq; lacunam istam commōsse videor. Iam finio. Nec verò putetis iniquiorem esse me, qui Lutheranos & Zuinglianos promiscuè coarguerim. Nam isti (t) memores à quo profeminati sint: inter se fratres & amici volunt esse, adeoq; grauem interpretantur iniuriam, cum in*

(t)

Gella re prater Enam, discriminantur.

Equidem non sum tanti, Et Vel mediocrem locum mihi sumam in selectis Theologis, qui hodiè bellum hæresibus indixere: sed hoc scio, quātuluscumq₃ sum, periclitari me non posse, dum Christi gratia fultus; aduersum talia commenta, tam inuisa, tam insulsa, tam bruta, cælo terraq₃ iuuantibus preliabor.

De Deo. (a) Cal. Inst. lib. 1. cap. 18. li. 2. c. 4. li. 3. cap. 23. & 24. Pet. Mar. in 1. San. 2. Melanth. an. in ca. Rom. 8. VVitem. 1524. Sic docet Luth. in assler. 26. & in resol. ass. 36. & in li. de ser. arbit. Præfat. in anno, Phil. in epi. ad Rom. In Apol. Eccl. Anglic. Vide enc. pro ann. 1543. De Christo. (b) Instit. lib. 1. cap. 13. nu. 25. & 24. Beza in Hes. Beza contra Smidel. li. de vni. ta. hyposta. duas in Christ. nat. (c) Cal. in Ioan. 10. (d) Luth. cont. Latō. (e) Buc. in Lu. 2. Cal. in har. eu. Luc. Los. Item. Melaa. in euan. do. 1. post Epiph. Marlorat. in Matt. 26. Cal. in ar. Euan. Bren. in Luc. part. 2. hom. 65.

& in

& in Catec. an. 1551. & in Io. hom.
54. Cal. in har. euang. In eand. sentē.
Loss. in Matt. 26. Schmid. Conci. de
pass. & cœna Dom. Aepinus cōm. in
Pl. 16. (f) Calvin. insti. lib. 2. cap. 16.
Brent. in Catech. 1551. Insti. li. 2. c. 16.
num. 12. (g) 1. Tim. 2. Apoc. 2. (h)
Bucer. in Matt. 26. De homine. (i)
Illyr. in var. li. de Ori. pecc. Cal. Insti.
lib. 2. ca. 3. Sarcer. de Conf. ver. Eccl.
Aepin. & imb. & pecc. Sanct. Kem.
contra censu. Cal. De peccato. (k)
Illyr. in var. libr. de Orig. pec. Vide
Heshuf. in ep. ad Illyr. Calui. in Anti-
dot. Concil. Triden. Idem docuerat
VVicle. apud VValden. lib. 2. de Sa-
cra. cap. 154. De gratia. (l) Luth. in
Resp. contra Louan. Bucer. in Ioan. 1.
VVald. in nata. Christi. Brent. ho. 12.
in Ioan. Cent. lib. 1. cap. 4. De iusti-
tia. (m) Hesh. de iust. in res. ad 115. o-
biect. Illyr. in Apol. conf. Antvver. c.
6. de Iustifi. Cal Insti. lib. 3. ca. 2. nu.
28. & 42. Matt. 12. Luc. 12. (n) Insti.
lib. 3. c. 2. nu. 4. Luth. lib. de Capt.
Babylon. De Sacramentis. (o) Calu.
Insti. lib. 4. ca. 15. nu. 2. & 10. & 7. Cēt.

1. li. 1. c. 10. Luth. lib. de Cap. Baby.
 Magd. cent. 2. & 5. cap. 4. (p) Luth.
 aduers. Cochlz. Item episto. ad Mel-
 lan. 22. & in ep. VValden. Anabaptistz.
 Apoc. 13. De moribus. (q) Ser. de Ma-
 tri. & Lib. de vit. cont. & assc. ar. 16. li.
 de vo. Euan. Lib. de vo. Monasticis.
 Charc. li. in Cens. suum. Lut. ser. de
 Pet. Item in asper. art. lib. 32. libr. de
 ser. arb. & sermon. de Moyf. Item lib.
 de capt. Bab. c. de Euch. de Ordine. de
 Baptis. (t) Apol. Eccle. Angl.

CAPVT IX.
 RATIO NONA,
 Sophismata.

Quoniam præcipua firmamēta sua
 in Sophismatis habent Ministri, dum
 vel umbras sibi ipsi fingunt, quas op-
 pugnent in Ecclesia, vel inani nunc
 logomachia, nunc homonymia, nunc
 circulatione, se suaque tuentur: ex eo
 ipso quidem satis constat, nihil solidæ
 veritatis apud ipsos reliquum

esse.

Scitum est, inter cæcos luscum re-
 gnare posse. Apud rudes valet

sape

sæpe fucata disputatio, quam Scho-
la Philosophorum exhibet. Multa
peccat Adversarius in hoc genere,
sed quatuor fallaciis plerunque con-
sistit, quas in Academia malim,
quam in trivio retexere.

Primum vitium Schiamachia est,
qua auris & Umbra magno conatu
diverberat. Hoc pacto: Contra cæ-
libes iuratos & Votos in castimoniâ,
quod nuptiæ bonæ sint, Virginitas me-
lior: afferuntur Scripturæ loquentes
honorificè de coniugio. Quem feri-
unt? (1. Cor. 7.) Contra meritum ho-
minis Christiani, tinctum Christi
sanguine, alioqui nulla promentur
testimonia, quibus iubemur, nec na-
tura, nec legi, sed sanguini Christi fi-
dere. Quem refellunt? In eos qui
colunt cælitres, Et famulos Christi,
maximè gratiosos, citantur integra
pagella, quæ docent colere multos
Deos. Vbinam sunt? Huiusmodi ar-
gumentis quæ apud Hæreticos infi-

nitareperio, nobis esse detrimento non poterunt, vobis esse fastidio poterunt.

Aliud Vitium Logomachia est, qua sensa deserens, loquacitor cum Verbo litigat; Inuenias mihi Missam, inquirunt, aut Purgatorium in Scripturis: Quid ergo? Trinitas, Homo unus, Personas nusquam sunt in Bibliis, quia Voces istae non sunt? Affine est huic peccato, Literarum aucupium: quum neglecta consuetudine & mente loquentium, qua Vita Vocabuli est, aduersus Elementa contenditur. Nempe sic aiunt: Præsbyter nihil est Græcis aliud, nisi Senior: Sacramentum, quoduis mysterium.

Caterum acutè D. Thomas, Et omnia, (In 1. part. q. 13. art. 2. ad 2.) in vocibus, inquit, videndum, non tam ex quo, quàm ad quid sumantur.

Tertium, Homonymia est, longè lateq; patens. Ut Quorsum ordo Sacerdotum, (Apoca. 5.) cùm Ioannes

omnes nos vocauerit Sacerdotes?
Etiam hoc addidit. Regnabimus super tetram. *Quorsum ergo Reges?*
Item. Prophetā celebrat ieiunium spiritale, (Esaï. 48.) hoc est, ab inueteratis criminibus abstinentiam. Valeat ergo ciborum delectus, & dierum præscriptio. *Siccine?* Igitur insani-erunt Moyses, David, Helias, Baptistes, Apostoli, qui biduo, triduo, vel hebdomadis inediam terminarunt: *que quidem, ut à crimine, debebat esse perpetua. Hoc quale sit, iam vidistis. propero.*

Quartū his adiicitur, Circulatio.
In hunc modum: Da mihi notas, inquam, Ecclesia. Verbum Dei & purissima Sacramēta. Hæcine sunt apud Vos? Quis dubitet? Ego verò pernego. Consule verbum Dei. *Iam consului, minusque vobis, quàm ante faueo.* Ah, tamen planum est. *Proba mihi.* Quia nos ne latum quidem vnguem discedimus à verbo Dei. *Vbi est acumen tuum? semperne capies pro*

argumento illud ipsum, quod ponitur in questione? Quoties hoc iam inculco? Non tu euigilas? Num facies admonenda sunt? Dico, à te perperam exponi Verbum Dei: testes habeo quindecim aetates: scilicet sententia non mea, non tua, sed harum omnium. Stabo sententiae verbi Dei: Spiritus ubi vult, spirat. (Ioan. 3.) Eccum, quos gyros, quas rotas fabricat? Hic nugator tot Verborum, atque Sophismatum architectus, nescio cui formidolosus esse queat, molestus erit fortasse. Molestiam Sestra prudentia subleuabit, formidinem res eripuit.

CAPVT X.

RATIO DECIMA,
Omne genus testium.

Quoniam quocumque nos vertamus, Catholicæ quidem religionis testimonia plurima inuenimus, nulla verò Evangelicorum, siue inquam Beatos cœlites contemblemur, siue damna-

ros inferni, seu Iudæos Ecclesiam persequentes: seu gentiles, seu Turcas, seu hæreticos, seu terras denique & nationes integras ad Christum cōuersas, hisque similia alia; meritò concludimus, extra vnam Ecclesiam Catholicam, nullam salutis viam superesse.

HAEc erit vobis directa via, ita vt stulti non errent per eā. Esai. 5.

Quis enim quamuis hebes in plebecula, dummodo salutis cupidus parumper attenderit, semitam Ecclesie tam egregiè complanatam, nō videat, non teneat; & presc̃ cautes & auia detestatus? Erunt hac etiam rudibus explorata, sicut Esaias Vaticinatus est: Vobis igitur, si voveris, exploratissima.

Theatrum Vniuersitatis rerum ponamus ob oculos: quidquid est & sp̃ia peragremus: omnia nobis argumentum suppeditant. Eamus in cælum: (2) Rosas & Lilia contemplemur, purpuratos nempe Martyrio, candi-

(2)

- (b) *datos innocentia. (b) Romanos, inquam, Pontifices tres & triginta continenter occisos: Pastores terris omnibus, qui suum pro Christi nomine sanguine oppignerarunt: Greges fidelium qui Pastorum Vestigiis institere. (c) Diuos omnes cœlites, qui turba hominū puritate & sancti monia præluxere. Nostros hic vixisse, nostros hinc emigrasse reperias. Noster fuit, Et paruula delibemus, ille Martyrii sitientissimus Ignatius*
- (d) *(d) qui in rebus Ecclesiæ neminem, ne Regem quidē æquauit Episcopo: qui traditiones qualdam Apostolicas, quarum testis ipse fuerat, ne dilaberentur, scripto mandauit. Noster Anachoreta (c) Telesphorus, qui ieiunium Quadragesimæ sancitum ab Apostolis, obseruari seuerius iussit.*
- (f) *Noster (f) Irenæus, qui à successione Cathedraque Romana, fidem Apostolicam declarauit. Noster etiam Victor Pontifex, qui Asiam edicto (g) coërcuit vniuersam: quod cum ali-*

quibus,

OMNE GENVS TEST. 101

quibus, atque etiam huic Irenaeo Si-
ro sacratissimo Videretur asperius,
nemo tamen attenuauit, Et exoticā
potestatem. (h) Noster Polycarpus,
qui super questione Paschatis Ro-
mam adiit, cuius ambustas reliquis
Smyrna collegit, anniuersario die
rituque legitimo, suum Episcopum
Generata. Nostri (i) Cornelius &
Cyprianus aureum par Martyrum,
ambo magni Praefules, sed maior il-
le, qui Romanus Africanum errore
resciderat: hic nobilitatus obseruan-
tia, qua maiorem est prosequutus
amicissimum sui. Noster Sixtus,
cui ad aram solennibus sacris operan-
ti ministrarunt è Clero Septemui-
ri. Noster Laurentius huius Archidia-
conus, quem Aduersarij de suis fastis
eijciunt, quem ante mille ducentos
annos Vir consularis (k) Prudentius
sic ornauit:

Quae sit potestas credita,
Et muneris quantum datum,

*Probant Quiritum gaudia,
 Quibus rogatus annuis,
 Hos inter, ó Christi decus,
 Audi & Poëtam rusticum.
 Cordis satentem crimina
 Et facta prodentem sua.
 Audi benignus supplicem
 Christi ream Prudentium.*

(1)

*Nostre, Virgines illæ perbeate: (1)
 Cecilia, Agatha, Anastasia, Barba-
 ra, Agnes, Lucia, Dorothea, Cathe-
 rina, quæ decretam pudicitiam ad-
 uersus & hominum & Damonum
 tyrannidem firmaverunt. Nostra
 Helena, quam Dominica Crucis in-
 uentio celebravit. Nostra Monica,
 quæ moriens orari & sanctificari
 pro se mortua ad altare Christi, reli-
 giosissime flagitavit. Nostra Paula,
 quæ ex Urbano Palatio & opimis
 pradiis in speluncam Bethlehemiticam
 tantis itineribus peregrina cu-
 currit, ut ad Christi Sagentis cuna-
 lula delitesceret. Nostri Paulus,*

Hilarion,

Hilarion, Antonius, seniculi solitarij. Noster Satyrus, Ambrosij germanus frater, qui tremendam illam hostiam circum se gestans in orario, naufragus insiliit in Oceanum, & fide plenissimus enatauit. Nostri Nicolaus & Martinus Episcopi: exercitiis vigiliis, paludati ciliciis, ieiunio pasti. Noster Benedictus, tot Monachorum Pater. Chiliadas istas decennio non exequerer. Sed nec illos repeto quos in Ecclesie Doctoribus antè posueram. Memor sum breuitatis meae. Petat ista, qui solet nō solum ex abundanti ceterum historia, sed multò etiam magis ex grauiissimis auctoribus qui pene singuli Diuos singulos memoria reliquerunt. Renunciet mihi de Christianis illis antiquissimis & beatissimis, quid autemet? Vtrius doctrina fuerint, Catholica an Lutherana? Testor Dei solium & illud tribunal, ad quod stabo rationem rationum harū

Et dicti facti redditurus; aut nullis
cælum esse, aut nostrorum esse, illud
excuramus, hoc ergo desigimus,

Nunc è contrario, si libet inspicia-
mus in Tartara. Cremantur incen-
dio sempiterno, qui? Iudæi. quam
Ecclesiam auersati? Nostram. qui?
Ethnici, quam Ecclesiam crudelissi-
mè persequuti? Nostrā. qui? Turcæ,
quæ templa demoliti? Nostra. qui?
Heretici. cuius Ecclesia perduelles?
Nostra. Quæ enim Ecclesia præter
nostram, (Matt. 16.) omnibus Infero-
rum portis se opposuit?

Cū pulsus Hebrais, Christiani
succrescerent Hierosolymis, Deum
immortalem, qui concursus homi-
num ad loca Sacra fuit, quæ Orbis
Religio, quæ sepulchri, quæ præsepj,
quæ crucis, quæ monumentorum o-
mnium, quibus Velut exuuiis mari-
ri Ecclesia sponsa delectatur? Hinc
manauit in nos Iudaorum odium,
ferum Et implacabile. Queruntur

etiam

etiā nunc, maiores nostros maioribus
suis exitio fuisse. A Simone Mago
& Lutheranis nullū ictū acceperūt.

In Ethnicis Violentiſſimi fuere,
qui toto Imperio, trecentis annis, per
interualla temporum, ærumnoſiſſi-
ma Christianis supplicia machinati
sunt. Quibus? Patribus & filiis no-
stra fidei. Cognoscite Vocem Tyran-
ni, qui Diuum Laurentium torruit
in craticula.

Hunc esse Vestris Orgiis

Morem q̄, & artem, proditū est:

Hanc disciplinam fæderis,

Libent & auro Antistites.

Argenteis scyphis ferunt,

Fumare sacrum sanguinem:

Auro q̄ nocturnis sacris,

Astare fixos cereos.

Tunc cura summa est fratribus

(Vt sermo testatur loquax)

Offerre, fundis & enditū.

Sestertiorum millia.

Addicta anorum prædia

*Fædis sub auctioribus
 Successor exhaeres gemit,
 Sanctis, egens, parentibus.
 Hac occuluntur abditis
 Ecclesiarum in angulis:
 Et summa pietas creditur,
 Nudare dulces liberos.
 Deprome thesauros malis
 Suadendo quos prestigiis
 Exaggeratos obtines,
 Nigrante quos claudis specu.
 Hoc poscit & *sus publicus.*
 Hoc *fiscus*, hoc *ararium*;
 Ut dedita stipendiis
 Ducem inuuet pecunia.
 Sic dogma *Vestrum* est audio;
 Suum quibusq; reddito,
 En *Cæsar* agnoscit suum
 Numisma, nummis inditum.
 Quod *Cæsaris* scis, *Cæsari*
 Da: nempe iustum postulo.
 Nihil fallor, haud *Sellam* tuus
 Signat *Deus* pecuniam.
 Nec cum *veniret*, aureos*

Secum Philippos detulit :

Præcepta sed Verbis dedit

Inanis à marsupio.

Implete dictorum fidem.

Quæ Vos per orbem venditis.

Nummos libenter reddite :

Estote Verbis diuites.

Quis videtur ? In quos furit ? Cuius Ecclesia sacra, lychnos, ritus, ornamenta conuellit ? Cui patellas aureas, & argenteos calices & sumtuosa donaria & opulentam gazam inuidet ? profecto Lutheriz ii. Quod enim aliud Sclūsno latrocinio nostri Nemrodes obtenderunt, cum depecularentur Ecclesias, & Christi patrimonium dissiparent ? Contra Verò magnus ille Constantinus Χρῖστος αὐτῶν terror, quam Ecclesiam tranquillauit ? Illam, cui Pontifex (m) Syluester præfuit: quē in Soracte latitantem accersit, & eius opera, nostro Baptismo tingeretur. Quibus auspiciis Victor? signo

(n)

*Crucis. Qua matre gloriosus? Helena. Quibus se Patribus adiunxit? Nicenis. Cuiusmodi? Et Sylvestro, Et Marco, Et Iulio, Et Athanasio, Et Nicolao. Cuius se precibus cōmendavit? (n) Antonij. Quam sellam postulavit in Synodo? Ultimam. O quanto regaliior hac sede, quàm qui Regis titulum non debitum ambiē-
runt? Singula narrare longum est, sed ex his duobus, altero nobis infestissimo, altero nobis amicissimo, licebit singula coniungere, quæ sunt horum simillima. Etenim, Et nostrorum illa fuit Epitasis turbulenta; sic nostrorum hac euasit diuina Castrophe.*

Turcica Videamus. Mahometes & Sergius Monachus apostata in profundo barathro iacent & ululantes, & suis & posterorum sce'cris onusti. Hac portētos, & efferata bella, Saraceni, Turca, nisi à nostris ordinibus militiæ Sacra, nisi à nostris

Principi-

Principibus & populis occisa fuisset ac repressi; per Lutherum quidē cui gratias hoc nomine Solymanus Turcus literis egisse dicitur) & per Lutheranos regulos (quibus Turcorū progressio letabilis existimatur) hac inquam Erynnis furiosa & exitiosa mortalibus , totam iam depopularetur , & Gastaret Europam ; neque indiligentiū altaria & signa crucis , quā ipse Calvinus euerteret. Ergo nostri hostes illi sunt proprii , & potē nostrorum industria , à Christianorum ingulis repulsi.

Despectemus in Hæreticos , secēs & folles & alimenta Gehennæ. Primus occurrit Simō Magus: Quid ille? Eripiebat homini liberam voluntatem: solam fidem percrepabat. Mox Nonatianus: Quis? Antipapa Cornelio Pontifici Romano , hostis Sacramentorum Pœnitentiæ & Chri-smatis. Deinde Manes Persa: Hic docebat, Baptismū salutē non conferre.

110 RATIO DECIMA

Post Aërius Arrianus: preces dam-
nabat pro mortuis, confundebat Epi-
scopis Sacerdotes. Hinc Aëtius solā
& ipse fidē personabat, cognominatus
Athēos, non minū quam Lucianus.
Sequitur Vigilantius, qui Diuos o-
rari non ferebat: ac Iovinianus,
qui virginitatē & nuptias æquiparabat.
Denique colluies vniuersa: Mace-
donius, Pelagius, Nestorius, Eury-
ches, Monorhelita, Iconomachi, cæ-
teri; quibus Lutherum & Calvinū
posteritas aggregabit: Quid isti? O-
mmes mali corui, eodem ovo geniti,
ab Ecclesia nostra præsulibus descen-
derunt, ab illis enicti & exinaniti
sunt.

Deferamus Avernū, reddamur
terris. Quocunque me oculis & co-
gitatione conuertero, siue Patriar-
chas intueor & Sedes Apostolicas:
siue Antistites cæterarum gentium:
siue laudatos Principes, Reges, Cæ-
ares: Christianorum cuiusq. Natio-

nis ini-

OMNE GENVS TEST. III

nis initia : siue illud iudicium ve-
tustatis aut lumen rationis, aut hone-
statis decus : nostre fidei seruiunt &
suffragantur omnia. (p) Testis Ro-
mana successio, in qua sepe Ecclesia
(Et cum (q) Augustino loquar) Apo-
stolicæ Cathedræ viguit Principatus :
Testes illæ reliquæ Sedes Apostolica,
in quas hoc nomen insignire cōuenit;
quod ab ipsis Apostolis horumue au-
ditoribus exadificata fuerint.

Testes & ius gentium (r) pasto-
res, loco diffusi, Religione nostra cō-
cordes. Ignatius & Chrysostomus,
Antiochia : Petrus, Alexander, A-
thanasius, Theophilus, Alexandria :
Macarius & Cyrillus, Hierosolymis ;
Proclus, Constantinopoli : Gregorius
& Basilus, in Cappadocia : Thau-
maturgus, in Ponto : Smyrne. Poly-
carpus Iustinus, Athenis : Diony-
sius, Corinthi : Gregorius, Nissa : Me-
thodius, Tyri : Ephreemus, in Syria ;
Cyprianus, Optatus, Augustinus in

R

Africa

Africa: Epiphanius, in Cypro: Andreas, Creta: Ambrosius, Paulinus, Gaudentius, Prosper, Faustus, Vigilinus, in Italia: Irenaeus, Martinus, Hilarius, Eucherius, Gregorius, Salianus, in Gallia: Vincentius, Orosius, Hildefontus, Leander, Isidorus, in Hispania: In Britannia, Eutychius, Damianus, Iustus, Mellitus, Beda. Denique, ne ambitiosus videar in omnibus: quaecunque vel opera vel fragmenta supersunt eorum, qui disjunctissimis terris Euangelium seuerunt, omnia nobis unam fidem exhibent, quam hodie Catholici profiteamur. Christe, quid causa tibi afferam, quo minus me de tuis extermines, si tot luminibus Ecclesiae tenebricosos homulos, paucos, indotatos, dissectos, improbos, antetulerō?

Testes item Principes, Reges, Caesares, horumque Respub. quorum & ipsorum pietas, & ditionum populi, & pacis bellique disciplina, se peni-

tus in hac nostra doctrina Catholica
fundauerunt. Hic ego quos ab Ori-
ente Theodosios, quos ab Occidente
Carolus, quos Edoardos ex Anglia,
Ludonicos è Gallia, Hermingildos
ex Hispania, Henricos è Saxonia,
Venceslaos è Boemia, Leopoldos ex
Austria, Stephanos ex Hungaria, Io-
saphatos ex India, quos orbe toto
Dynastas atque Toparchas possum
arcessere; qui exemplo, qui armis,
qui legibus, qui sollicitudine, qui
sumptu, nostram Ecclesiam nutrie-
runt? Sic enim precinnit Esaias:
Erunt Reges nutricij tui, & Reginae
nutrices tuæ. (Esai. 49.) Audi Elisa-
beta Regina potentissima: tibi tan-
tus Propheta canit, te tuas partes e-
docet. Narro tibi: Caluinum & hos
Principes unum cælum capere non
poteſt. His ergo te Principibus ad-
iunge, dignam maioribus, dignam
ingenio, dignam literis, dignam lau-
dibus, dignam fortuna tua. Solum

hoc de te molior ego, & moliar, quicquid me fiet: cui, tanquam hosti capitis tui, toties iam isti patibulum ominantur. Salve bona crux. Veniet, Elizabetha, dies ille, ille dies, qui tibi liquidò commonstrabit, Sibi te dilexerint, Societatis IESV, an Lutheri progenies. Pergo.

Testes iam omnes ora, plagaq; mundi, quibus Eu. angelica tuba post Christum natum insonuit. Parumne hoc fuit Idolis ora claudere, Dei regnum gentibus importare? Christum Lutherus, Catholici Christum loquimur. Num diuisus est Christus? minime. (1. Cor. 1.) Aut nos, aut ille falsum Christum loquimur. Quid ergò? Dicam. Christus ille sit, & illo-
rum sit, quo (1. Reg. 5.) Dagon in-
uictò ceruices fregerit. Noster Chris-
tus opera nostrorum &ti soluit, cum
Iones, Mercurios, Dianas, Phœba-
das, & illam noctem seculorum a-
tram, Erebumq; tristem, è tot popu-

lorum

lorum cordibus relegaret. Non est otium longinqua perquirere. Finissima tantum, atque domestica speculemur. Hiberni ex Patricio, Scoti ex Palladio, Angli ex Augustino, Roma sacra, Roma missis, Romam Generantibus, fidem aut nullam, aut certe nostram, id est, Catholicam infuxerunt. Res aperta. Curro.

Testes Academia: testes legum tabulae, testes Vernaculi mores hominum: testes electio Caesarum, & inauguratio: testes Regum ritus & inunctio: testes equitum ordines, ipsaeque chlamydes: testes fenestrae, testes numi: testes Urbana porta, domusque ciuica: testes auorum fructus & uita: testes res omnes & reclusa: nulla in orbe religionem nisi nostram, imis inquam radicibus insedisse. Quae mihi cum suppeterent, & certe sic afficerent meditantem, Et his omnibus nuncium remittere, Christianis, & consociari cum perditissimis qui-

busq³, videretur insolentis insania; non diffiteor, animatus sum & incensus ad conflictum, in quo nisi Divi de cælo deturbentur, & superbus Lucifer Cælum recuperet, cadere nunquam potero. Quo mihi sit æquior Charcus, qui me tam immaniter concepit, si hanc animulam peccatricem quam tanto Christus emit, via tuta, via certa, via regia, malui credere, quam Caluini scopulis, dumerisue suspendere.

(a) Aug. ser. 37. de Sanct. (b) Dam. in vit. Pont. Rom. (c) Hier. in cat. Scrip. (d) In Epi. ad Smir. Euseb. lib. 3. cap. 30. (e) Dam. in vit. Telef. to. 1. con. c. stat. d. 5. (f) Lib. 3. cap. 3. (g) Euf. 5. hi. 24. (h) Euf. 4. hist. 13. & 14. Suidas. (i) Euf. 7. hist. 2. interp. Ruff. (l) Pru. in Hym. de S. Lauren. Vide Au. Ser. de S. Laur. Am lib. 1. off. c. 4. lib. 2. off. 28. Leo. Ser. in die S. Laur. (m) Metap. Ani. ser. 90. to. 3. & lib. 1. de vir. Ado. Tre. in Martyr. Euf. 8. hi. 17. Ruff. lib. 1. c. 8. Ex Aug. lib. 9. cōf. ca. 7. vsque ad 13. Hier. in Epi. Paul. &

OMNE GENVS TEST. 117

Cat. Athanas. in vita S. Anton. Amb.
in orat. fu. de Satyro. Ioa. Diac. Seuer.
Sulpit. Metaph. Gre. li. 2. Dia. Vide
Tomos Suriij. Euseb. 4. histor. 5.
Hier. in epi. Paulæ & in epi. ad Mar-
cel. & passim in ep. Leo ser. de D. Lau-
rent. Prud. in Hym. de S. Lauren. (n)
Dam. in Syl. Zonaras. Cedr. Eus. lib. 2.
du vita cont. c. 7. 8. 9. Sozom. libr. 1.
cap. 9. (o) Athana. in vita S. Anton.
Theodo. libr. 1. histo. cap. 7. Zona-
ras. Vide volat. Ionium. Aemil. li. 8.
Blond. li. 9. de 1. Hæretici. Clem. lib.
1. recog. Iren. lib. 1. c. 2. Cyp. Ep. ad
Iubatam & lib. 4. epi. 2. Theodo. de
fab. Hæret. Aug. hæ. 46. 53. 54. Epiph.
hæ. 75. Socrat. lib. 2. cap. 28. Hier. in
lou. & Vigil. Aug. hæ. 82. (p) Sedes
Apostolica. (q) Epi. 162. Vide Ter. de
præscr. Aug. li. 2. de Doctr. Christ. ca.
8. (r) Hier. in Cat. scrip. Eccle. & alij.


CONCLUSIO.


Habetis à me florentes Academici, hoc munusculum, contextum operis in itinere subcisiuis. Animus fuit, & purgare me Vobis de arrogantia, & satisfacere de fiducia, & interim dum ab Aduersariis, & nà mecum ad Scholas inuitemini, quadam apponere degustanda. Si equè, si tutum, si honestum ducitis, haberi Lutherum, aut Caluinum, Canonem Scripturæ, Mentem sancti Spiritus, Normam Ecclesiæ, Conciliorum, Patrumq; Padagogum, omnium denique testium & seculorum Deum; nihil est quod sperem, Vobis Lectoribus Vel Auditoribus: Sin estis ij, quos apud animum formaui meum, Philosophi, oculati, amatores Veri, simplicitatis, modestiæ, hostes temeritatis, nugarum, sophismatum; facile diem in aprico videbitis, qui dieculam angusta rimâ dispicitis. Di-

cam liberè, quod meus in Vos amor,
¶ Vestrum periculum, ¶ rei ma-
gnitudo postulat. Non hoc nescit Di-
abolus, Vos istam lucem, si quando
cœperitis oculos attollere, conspectu-
ros. Cuius enim stuporis fuerit, an-
tiquitati Christiana Hammeros ¶
Charcos anteponere? Sed sunt quæ-
dam illecebra Lutherana, quibus su-
um ille regnum amplificat, quibus
ille tendiculis hamatus, multos iam
Vestri ordinis inescavit. Quanam?
Aurum, gloria, delicia, Veneres: cō-
temnite. Quid enim aliud ista sunt
nisi terrarum illia, canorus aër, po-
pina Verminum, bella sterquilinia?
Spernite. Christus dives est, qui Vos
alet: Rex est, qui ornabit: laetus
qui satiabit: speciosus est, qui felici-
tatum omnium cumulos largietur.
Huic Vos adscribite militanti, Et
cum eo triumphos Verè doctissimi,
Verèq; clarissimi reportetis. Valete.

Cosmopoli, x s 8 r.

Cum facultate Superiorum.





Field of view
Bentley

04100

1790
511

Encl.

06143

G.1.13

P.P. Cl

Wierz podpuszczany

1812

642 549 Bibliotheca 500 RN
P.P. Camaldulensium in Bielany

692749

biwimwied

500 RN

P.P. Camaldulensium in Bielany

Depozyt w Bibliotece Jagiellońskiej



06143

G.1.13

Przed

1912

Wicej podpisany

1790
511

V. Ovet.

G